



痘疹活幼心法目錄

卷之上

論受病之源

折諸家之表

闢時醫之謬

辨虛實寒熱之異

晰氣血盈虧消長之理

精炮製用藥之法



初發熱至痘出齊數日內調治法

痘出齊後起發灌膿數日內調治法

漿足回水至結痂還元數日內調治法

備用緊要諸症方論

卷之下

附或問六條

附治痘醫案十一條

附麻疹

附古今治痘要方

紙撚照法

附痘疹避忌

附幼兒雜症方論

急驚風

慢驚風

吐瀉

疳

腹痛

發熱

治痢奇方妙論

截瘧妙方

治水泄小便赤澀或全不小便者

治胎痛不安

治臨產久不下

痘疹活幼心法目錄

痘疹活幼心法卷上

清江久吾聶尚恒著

●論受病之源

痘疹之源有謂兒在胎時食母血穢而致者有謂父母慾火所致者慾火之說出於臆測固無明據嘗見孕婦飲食清淡者生子出痘多稀少而平順恣食厚味者生子出痘多稠密而險危則其病源受毒于母胎血穢似有明驗蓋飲食

淡則血氣清而胎毒輕飲食厚則血氣濁而胎  
毒重受毒輕故出痘少受毒重故出痘多其理  
易明也近有好為奇論者謂胡人豈無慾火胎  
毒而獨不出痘則此一說皆非也諸痛癢瘡瘍  
皆屬心火以中國地對胡地分四方則中國屬  
東南胡地屬西北東南屬火故心火旺而有痘  
瘡西北屬水故心火不旺而無痘瘡又以胡人  
居中國則亦出痘中國人居胡地亦不出痘為

證此論似是而實非也若痘非胎毒果因地方  
火旺而有之則閩廣等極東南之地其人出痘  
當至再三何以一生止一次與中土同也意者  
胡地極寒其人無屋居鮮火食冒風霜犯冰雪  
腠理秘密若禽獸然卽有胎毒當為別症不能  
宣發于皮膚而為痘瘡是以胡人不出痘也不  
可執此而謂痘非胎毒也夫胎毒潛伏于五臟  
有觸則發無觸則不發故其發有遲速當其未

發時形氣俱泯無可踰。儼若未燧之火何處尋覓。又何可解釋。故予以為古立預解痘毒諸方。若無故而逐寇于通都。不近理也。及其有觸而發。則勃然不可禦。蓋其毒氣發自五臟。實動五臟真氣。全賴血氣送毒氣而出之。於外運化之。而成漿收結之。而成痂。而後臟腑可安。若血氣送毒氣不出。則毒氣反攻臟腑。如寇作于都城。中主者不能操謀奮武逐之。出外致令操戈內

攻安得不危。故用藥猶如用兵。不可不透此理也。

●折諸家之衷

治痘之家多矣。劉河間悉用寒涼。偏害非小。至於錢仲陽立方。亦以解毒為主。而多用寒涼。少用溫補。張潔古王海藏咸宗之。此其意俱本於內經諸瘡瘍屬心火之一言。故以寒涼瀉火也。厥後陳文中立方。力矯其偏。專主溫補。凡痘瘡

未出已出之間諸症悉用十一味木香散已出  
之間諸症悉用十二味異功散其意歸重于大  
陰一經蓋以手大陰肺主皮毛足太陰脾主肌  
肉肺金惡寒脾土惡濕故用丁香官桂以治肺  
之寒用木附半夏以治脾之濕一方用之得其  
當其效固大然不分寒熱虛實而一藥用之則  
宜於虛寒不宜於實熱其偏害又可知也朱丹  
溪辨之是矣至丹溪立論矯陳氏之偏而取

錢氏之長主於解毒和中安表似爲的當舉世  
宗之數百年來無敢議其失者予則以爲丹溪  
治他病多妙論獨於治痘則孟浪而未盡其妙  
儻亦千慮之失乎蓋其矯偏于陳氏而不敢輕  
用木香丁香桂附等熱劑似乎因噎而廢食懲  
羹而吹鑿其取長于錢氏而必用芩連牛旁連  
翹之類以監制參芪歸朮等補劑似乎任將而  
中制用兵而外監也其失亦起於泥內經瘡瘍

屬心火之言而未透其理也不知痘瘡雖屬心  
火卻與諸瘡不同諸瘡之毒當其初發而未成  
形可用藥解散內消而愈及其已形而未成膿  
又可用藥逐散未成膿而愈痘毒發自五臟必  
藉血氣送出于皮膚運化之而成膿收結之而  
成痂而後收全功也可內消而愈乎可未成膿  
而愈乎故諸瘡以解毒為主能解毒于早則輕  
不能解毒于早則重痘瘡以血氣為主血氣能

送毒以灌膿結痂則生血氣不能送毒以灌膿  
結痂則死解毒之藥多損血氣不顧血氣之虧  
損而急於解毒是猶不慮我兵之羸弱而急於  
殺敵也故毒有不必解者又有不可解者若小  
兒稟賦強壯胃氣好飲食如常者其血氣自旺  
自能送毒氣以成功其痘自始至終多順症此  
不必解毒者也若其稟賦素弱脾胃又弱出痘  
時飲食又少或瀉或渴或腹脹或手足冷或氣



短促或失聲痘或出不快或根窠不紅活或色白而頂陷或當灌膿不灌膿或當結痂不結痂皆由血氣不能送毒氣此不可解毒者也當速用溫補以扶胃氣而助血氣若用參薯歸朮等而力不及即加入木香丁香桂附等佐之亦不為過又何可參入苓連旁翹等涼品以監制溫補之力而損血氣乎所謂丹溪未盡其妙者此也丹溪又教人用犀角地黄湯以解痘毒後人

量入酒炒大黃微利之可也若其毒氣雖盛而血氣未旺者以解毒為主而兼活血養氣則參薯歸芍之類亦不可離也

近世痘方多宗黃西丘其書自始至終俱分順逆險而立二圖說其謂順者不必服藥是也謂逆險者宜以保元湯加減調治猶近理也但謂逆者俱不可治治之徒勞無益是教人袖手待斃矣其言不仁之甚而貽害于世不小也此為俗

新安休邑西丘黃惟亮所著醫林統要四卷中在痘疹經論良方一冊

醫圖利計則甚便而於救濟生靈之術則甚乖也蓋醫者仁術聖人以之贊助造化之不及所貴者扶危救困起死迴生耳若治其易治者而棄其難治者則何以醫爲惟俗醫意在圖利又恐壞名見症有不順者輒委棄之彼誠恐利未必得而徒曰不識症之名若仁人君子當爲之死裏求生豈忍斷其必死而坐視不治故曰西丘之言便於俗醫而非所以濟世也且其所指

沿其說失其初意相習用之以爲奇妙而不知其害蓋心者血之主心之所以能主血者以其屬火也痘疹屬心火正藉心火以運用一身之血而成功豈心火可瀉而去之乎蓋人身之血溫則流行寒則凝滯犀角地黃湯涼心經而瀉心火心經既涼心火既瀉則一身之血俱凝滯不行何以運化痘毒而成膿結痂乎則內攻之患作而竟以告斃者瀉心火之藥實殺之而人

竟不知也醫亦竟不悟也可慨也故予謂痘已  
出之後未痂之前凡一切涼心之藥如犀角生  
地之類姑禁絕不用直待結痂後用之解餘毒  
可也或曰若然則未收結之前毒俱不可解乎  
曰奚爲皆不可若其血氣與毒氣俱盛者脉必  
洪數痘或初出卽帶紫黑或既出而稠密紅紫  
內症則煩悶燥渴小便赤澁大便秘結此則屬  
實熱宜速用清涼之劑以解毒如大便久祕者

逆症多端痘瘡稠密者多有之如初熱而驚悸  
吐瀉報痘而先發于印堂司空天庭等處初出  
而根窠無尋既出而色白灰陷或發水泡或癢  
塌或當行漿而不行漿或痂未落而寒戰咬牙  
等症皆其圖說所謂逆而不治者予每治之而  
得生者多矣奈何悉謂治之無益而戒人勿治  
乎惟初出形如蚕種既出而紫黑乾枯者難以  
灌漿多不可救耳然寧救之而不活不忍坐視

而不救也

近年有庠生管樞字編集保赤全書載痘疹方論頗爲詳備然其人博而不精未諳妙理所論氣血虛實寒熱等理多混雜未能融通所論其症該用其方多鹵莽又多乖汙而不得其宜在明者得之猶可備參考若昧者執而用之鮮不悞事予恐其無益於世而反惑世也故表而出之

●關時醫之謬

痘症與他症不同自初發熱以至於結痂限日限時救困扶危當用之藥宜及時而用如救焚拯溺不可緩也蓋痘毒發自五臟實動五臟之真氣其出痘多者真氣發泄亦多當此之時人之血氣幾絕岌岌乎殆哉如油盡之燈不速爲之增油則燈焰熄如風中之燭不速爲之蔽風則燭光滅也時醫則不然輕視人命而重視財利其愚而不知用藥者姑無論已卽稍知用藥

者亦不冉及時用藥欲因禍入而顯功直待諸惡症出然後乘人父母之驚懼而要重利遲延至於血氣已絕不可復續雖有對症之藥緩不及事因而悞人性命者多矣嗟嗟天地鬼神昭布森列不可欺罔此輩以貪利而殺人心術不善豈無幽書豈無具誅殃必及身必及子孫不可逃也此醫家之害而病家不可不知也又時醫識見淺陋未諳妙理執泥祖傳舊方不知通

變遇痘症之輕者猶可動手調治而自以為功一遇危險重症便束手無策不能救療甚至治一家十人而不活者七八則以為痘症原惡而不自咎其術之拙病家亦以為痘症本惡而不歸咎醫之拙殊不知痘瘡常數若無甚惡之症而調治得宜十可十生間有極惡之症必不可救療者十不過一二今治十人而死者七八何惡症之多也無亦術之不精乎予深憫之故

不得不爲之著論立方也

辨虛實寒熱之異

凡治病必先辨虛實寒熱四症望聞問切無非辨此四者而已四者了然于胸中則用藥取效其應如響四者不能分辨而執成方以用藥鮮有不悞者卽或中病而愈亦幸而偶中也至於痘瘡之虛實寒熱尤爲緊要辨之不明用藥多致敗事何以成功奈何歷代治痘之家著論立

方互相異同至於虛實寒熱多畧而不辨或辨而不明致令檢方者漫無下手處竟不知其症屬虛屬寒當用其方其症屬實屬熱當用其方則雖有千百妙方千百妙論無益于用也無怪乎自古至今治痘者之多迷途而慈幼之術疎也且痘瘡之虛實寒熱與諸病之虛實寒熱其異同固自有辨諸病有虛者元氣自虛也宜補也痘瘡有表虛有裏虛亦元氣自虛也宜補也

活幼心法 卷之八  
此其相同者也。諸病有實者，邪氣實也，可瀉也。痘瘡有表實有裏實，此則元氣完固而毒氣不能為害，不可瀉，亦不必瀉也。此其不同者也。諸病有虛之甚者，陰有餘，陽不足，則寒自虛生，宜溫熱之劑補之也。痘瘡有虛之甚者，亦陰有餘，陽不足，而寒自虛生，亦宜溫熱之劑補之也。此其相同者也。諸病有寒自外入者，外感是也，當其在表，宜發散之，久而入裏，則鬱而為熱，宜清

解之。痘出而風寒外襲，宜溫而散之，或外寒入內而為吐泄，諸症亦宜溫之而已。外不可發汗，內不可清解也。諸病有虛熱者，元氣虛，津液竭，而火從虛中起，補之則熱自除，也不必解熱也。痘瘡亦有虛熱者，元氣虛，而毒氣肆也，當以補元氣為主，而畧兼解毒可也。二者皆同而有不同者也。諸病有實熱者，血氣未虧，而邪氣壅盛，單用寒涼瀉之可也。痘瘡亦有實熱者，稟氣強

血氣盛而毒氣亦盛亦單用清涼解之可也此  
又其相同者也今自發熱之初以至還元之後  
俱先辨症之虛實寒熱而遂立方于其後令人  
細心審症而後用藥庶不至於虛虛而實實乎  
不至於損不足而補有餘乎不至於以水益寒  
而以火益熱乎然痘之虛實寒熱較之他病猶  
顯明而易察蓋自見點以至結痂其形其色既  
昭然可觀若又聽其聲音觀其靜燥視其飲食

之多少審其大小便之利澁二歲以上者診其  
脈之遲數洪微其辨虛實寒熱當如黑白之分  
明而用藥取效易易矣

● 晰氣血盈虧消長之理

痘瘡全憑氣血成功而氣血之盈虧消長其理  
精微不可不透悟也蓋氣體天而親上血體地  
而親下痘之出也其高起之疱氣之位也上也  
氣宜充焉其四暈根腳血之位也下也血宜附



焉。胞尖而色白潤，是氣充而居其親上之尊也。四圍有暈而色紅活，是血附而安其親下之分也。氣居其尊，血安其分，氣血和順而載毒出外，此最吉之痘，可勿藥而愈也。頂陷則氣反親下，此氣虧而不能充也。法當補氣，四圍根腳無紅暈，此血虧而不能附也。法當補血，此其理猶易明也。其有通頂紅色成血胞者，是血反親上也。此症最險，必不能成漿，至八九日後則癢塌而

死。然此非血之獨盈，乃由氣虧而失其居尊之常，故血得以妄行而僭居其位也。急宜大補其氣，氣充則能統血，血自不得泛溢妄行而胞轉白矣。世人不識此理，見其胞紅則謬認爲血熱，而用涼血行血之劑，致令氣愈虧而斃愈速也。不亦悲乎！故氣血盈虧之理微妙而難識也。至於調治痘瘡氣血，其氣獨虛者，固宜專補氣而不可宜補血。蓋陽不能從陰，陰慙長則陽愈消也。

血虛無用參者之說廣恒德愈子容甚非之李象所撰醫略正誤思於王儉說不知孰是

其有血虛者多由胃氣損傷元氣不足所致蓋陰必從陽陽生則陰長也黃汝言明醫雜著乃謂血虛而用參者以補氣則陽旺而陰血愈消甚矣其不明於陰陽消長之理而謬立此言為世大害也予每治便血之虛滑者婦人產後去血過多而大發熱者婦人血虛崩漏而下血不止者俱用參薯姜附為主而佐以血藥與升提藥皆獲奇效安在血病不可補氣乎若小兒痘

瘡以胃氣為主則補血必先補氣明矣故氣血消長之理不可不深明也

●精炮製用藥之法

凡用寒涼藥品除陽症傷寒熱積痢症及諸實熱等症外其餘若用之降炎上之火用之清血分之火俱有寒因熱用之義須依酒炒酒製之法最為緊要同一寒藥也依法用之則取效不依法用之則為害若痘瘡中前後所用解毒諸

寒藥皆因毒火燥血而用入血分以涼血活血者是以芩連梔栝花粉大黃等味必用酒拌濕炒燥牛旁子必炒香研碎當歸白芍生地紅花紫草牡丹皮地骨皮之類必以酒臨時洗用此要法也而時醫苟簡每不依法炒製而生用寒涼不惟無益而反以致害者多矣此其失非小而人不知也不惟病家莫之知而醫家亦竟不悟也儻悟其失豈其省此微勞而貽此

大害哉予故表而出之以訓將來

有熱者甘草黃耆白芍俱生用虛寒者甘草炙熟黃耆蜜炙白芍酒炒

●初發熱至痘出齊數日內調治法

大凡調治痘瘡自發熱之初見點之時即須思及何如起發何如灌漿何如收結一動手用藥便要顧首顧尾慎其初以善其後然後次第調治可保萬全也

寒藥皆因毒火燥血而用入血分以涼血活血者是以芩連梔栝花粉大黃等味必用酒拌濕炒燥牛旁子必炒香研碎當歸白芍生地紅花紫草牡丹皮地骨皮之類必以酒臨時洗用此要法也而時醫若率每每不依法炒製而生用寒涼不惟無益而反以致害者多矣此其失非小而人不知也不惟病家莫之知而醫家亦竟不悟也儻悟其失豈其省此微勞而貽此

大害哉予故表而出之以訓將來

有熱者甘草黃耆白芍俱生用虛寒者甘草炙熟黃耆蜜炙白芍酒炒

●初發熱至痘出齊數日內調治法

大凡調治痘瘡自發熱之初見點之時即須思及何如起發何如灌漿何如收結一動手用藥便要顧首顧尾慎其初以善其後然後次第調治可保萬全也

一發熱之初若身熱和緩或熱或退神清氣爽  
 飲食如常則不必用藥發汗但戒葷禁風調護  
 而已蓋痘有順而不必治者不輕治即所以調  
 治之也 其或增寒壯熱頭痛壯熱頭痛咳嗽  
 鼻流清涕者多因於外感不可不發散也當視  
 兒強弱而用藥發汗兒體氣素壯實者用加味  
 升麻葛根湯汗之體氣素怯弱者用加味參蘇  
 飲汗之然皆不可出汗太多恐發虛其表後難

起脹灌漿也 既經發汗而身熱漸緩兒頗安  
 靜者其痘出必稀少此為順候且勿服藥以待  
 之

加味升麻葛根湯

此二方即是傷感而非痘疹服之發汗亦無妨

白粉葛 一錢 升麻 八分 赤芍 六分 甘艸

桔梗 防風 去蘆去七 蘇葉 五分 小川芎 四分

山查淨肉 八分 牛旁子 棟淨炒香研 生薑三

片同煎熱服取汗

加味參蘇飲

人參 三分 蘇葉 五分 小川芎 桔梗 去蘆

前胡 各四分 陳皮 甘草 各二分 白茯苓 去皮 五分

粉葛 八分 製半夏 三分 牛旁子 製同前 四分

山查肉 六分 生薑 三片 同煎熟服取汗

發汗之後或身熱不退而煩燥者且勿峻攻姑少待之其或煩悶燥渴而妄語者用敗毒和中散清之切不可輕用傷寒家柴胡黃芩乾葛花

粉等清解之劑此藥若用差一劑解虛其表至七八日後漿必不行雖極力補助莫能救療其瘡枯焦痒塌而死矣蓋痘瘡以裏為根以表為基一虛其表是猶築室而圯其基也是以治痘與治傷寒大不同也近時管機著書不知此理而首以發表解表立說豈謂痘疹可與傷寒同治乎惑世悞人為害甚大姑舉其一以闢其餘敗毒和中散

此方可  
與後六  
十六葉  
十神解  
善湯參  
用

連翹 去心蒂 研碎 牛旁子 製同前 各六分 酒炒黃連

陳枳殼 炒各七分 防風 荊芥 各五分 桔梗 紫艸

茸 酒洗 蟬退 洗淨去頭足晒 小川芎 各四分 前胡

木通 各五分 升麻 甘草 各四分 麥門冬 去心 八分 太

便秘澁者加酒炒大黃 一錢二分 微利之不秘者

勿加 服此覺煩悶少解即止勿服聽其痘

出外則中自安也

或有腹痛腰痛而煩悶者此其毒氣誠重然只

當用此敗毒和中散主之太便秘則加酒炒大

黃微利之聽其痘毒出外則內痛自止然後看

其痘或稠密或紅紫帶黑又議解毒可也切不可

可純用寒涼以阻遏其毒出之勢立致內攻告

變世人不知此理多純用寒涼解毒或用硝黃

峻下因而速斃而卒不悟者多矣 當時令眾

人出痘時小兒或有發熱稍緩其熱或作或止

其紅點或未見或微見而未明或是出痘或非

出痘正在疑似之間當此之時不如且勿服藥以待其自定但禁風禁葷調護之而已所謂不輕治正所以深治之者此也有等富貴之家珍愛太過見其如此屢投以清涼解毒之劑不知若是痘症則其毒氣發動於五臟勃勃欲出外其勢決不可阻遏屢用清涼阻遏其勢卽所以迫之內攻而禍速矣故犯此者多有報痘數日卽煩悶驚搐而死此解毒之劑殺之也正如寇

在宮牆之內不逐之出外反遏其出路圍而攻之宮中之人有不遭殘害者乎然醫者曰吾用解毒藥何至於殺人既不任其咎病家亦曰彼用解毒藥何至於殺吾人亦不歸咎於醫殺人於冥冥之中而已不悟也人不知也噫亦可悲也已予故表而出之以戒世之愛而反害者語曰久腊者毒必厚痘毒稟於胎元伏於五臟其輕者無論已其重者深藏久蓄不爲不厚矣



一曰觸發于倏然忽然之頃其勢猛銳欲出斷不可禦是以必藉氣血載毒出外成漿結痂然後毒散而功成此病機亦化機也此豈若諸瘡之毒可以驟然而解散者故解之於既出之後是順其欲散之勢猶為近理解之於未出之先是遏其猛銳欲出之勢其禍甚速如初決之堤水勢排山而欲捧土塞之有是理乎柰何自古治痘之家其卑者固不足道其高者亦未深悟

此理每每於痘瘡發熱之初欲出未出之際輒以解毒為主且曰服其藥則毒可解而痘出必稀不知痘之稀由其初受毒之輕耳豈將出之時所能驟解乎致啟後之庸醫訛以承訛見痘瘡欲出未出之間毒氣熾盛則多用寒涼以解之或妄下以解之彼自以為對症之妙劑而不知反致內攻之奇禍至於殺人而終不悟前覆而後不鑒其禍又無窮也予親近時庸醫治痘

多犯此失以致童幼數日而死者甚多則皆茫然委於症惡難救而舉世莫覺其致死之由殊可矜惻也故不得不再三發明其理以救將來發熱之際有偶感風寒飲食停滯而腹痛者用升消平胃散一劑其痛立止

升消平胃散  
小川芎 炒香附 蒼朮 紫蘇 姜汁炒  
厚朴 各五分 藿香 砂仁 研碎 白芷 去白陳皮

各三分 炙甘草 二分 炒麥芽 六分 山楂肉 一錢  
生姜二片同煎帶熱服

論優食  
腹痛與  
毒氣作  
腹痛同

然停食作腹痛與毒氣作腹痛其症不同停食痛者其痛多急疾而啼叫必甚多在臍以上痛面必青白唇淡手足冷毒氣痛者痛稍延緩而有作有止多在臍以下或連腰而痛面或紅色而唇紫手足不冷此兩者必分辨明白方可用

藥

活心法

發熱之際嘔吐泄瀉

發熱之際有嘔吐者有泄瀉者有吐泄交作者  
全要辨虛實寒熱而用藥 或吐泄交作而胃  
腹痛甚者此感寒而停食也仍用前升消平胃  
散主之一服立效 或胃氣弱而有寒嘔吐不  
思飲食或食下即吐其吐多順快而無聲面青  
白唇淡精神倦怠宜用參砂和胃散主之 或  
脾氣虛弱飲食不化而泄瀉者其泄滑利而色  
帶白宜用朮苓調脾散主之

參砂和胃散

治虛寒嘔吐

人參 砂仁 研碎 製半夏 各四分 白朮 去蘆刮 去皮炒

白伏苓 去皮各五分 藿香 陳皮 各三分 炙甘草 二分

煨薑去皮三片同煎

朮苓調脾散

治虛泄

白朮 白伏苓 製俱如前 酒炒白芍 真神 各七分

麴炒 炙甘草 各五分 白扁豆 姜汁浸去殼 炒各八分 砂仁

炒香附 製厚朴 各三分 煨姜三片大棗一枚

去核同煎 或加入參三分  
或有毒氣作吐瀉者其吐必酸刺而有聲神氣  
不甚困倦其泄必黃色臭穢雖或吐泄交作胃  
腹多不痛此則毒氣由吐瀉而發洩所謂吐泄  
爲順候而不必止者惟此一症耳若虛寒吐泄  
與此迥異者亦多矣張潔古等乃一槩謂痘前  
吐泄慎勿亂治而多吉並不分虛實寒熱何其  
孟浪之甚耶

身熱至二三日後痘欲出不出或煩悶驚搐或  
狂言譫語切不可驚惶失措須詳審虛實寒熱  
而治之要知此等症皆由毒氣在內不得宣發  
於外而作然毒氣不得宣發症有不同不可不  
辨●有毒氣壅盛於內不能驟發於外而驚搐  
狂燥者宜用清解散以宣之 有內毒本盛外  
爲風邪所束鬱滯不得出而驚搐狂燥者宜蘇  
解散發之 又有氣血虛弱送毒氣不出而驚

搐狂燥者宜用温中益氣湯以托之辨此驚狂  
 諸症最宜精詳觀形察色審聲問症又參之以  
 脈然後可以分別 察其痘形紅紫面赤唇紫  
 聲音亮口氣粗手足熱脈洪數此毒氣壅盛者  
 也 ●或形色多同前但聲重鼻塞或鼻涕脈浮  
 數者此毒盛而為風寒所束者也然此症多在  
 寒涼之月或不謹避風寒者然後有之 察其  
 痘形淡淡在皮下不見紅活唇淡面白或帶青

脈又遲緩雖煩燥驚狂謔語亦是血氣虛而送  
 毒氣不出者也二者分別明而用藥當一劑之  
 後痘出而驚狂定矣昔人謂痘未出之前驚搐  
 為順而皆不必治豈其然乎

清解散 治毒氣壅盛於內不能驟  
發於外而驚搐狂燥者

- 防風 荆芥 蟬退 桔梗 小川芎 各四分
- 前胡 乾葛 升麻 各五分 酒炒芩連 紫州
- 木通 各六分 牛旁 連翹 製俱同前  
各七分 山查肉 八分

甘草 三分 生薑二片同煎溫服

蘇解散

治內毒本盛外為風邪所束  
鬱滯不得出而狂燥驚搖者

前方去芩連加紫蘇白芷 各五分 羌活 四分

生薑二片同煎帶熱服

溫中益氣湯

治血氣虛弱送毒氣  
不出而驚搖狂燥等

人參 白朮

製同前 各五分 黃耆 八分 當歸身酒洗

白茯苓

各六分 炙甘草 川芎 各四分 白芷

防風

各三分 南木香 官桂 各二分 山查肉 六分

生薑一片大棗一枚去核同煎一服中病即止

幼兒欲出痘有發熱二三日全無痘點彤影而  
忽然驚搖狀與急驚風一樣者此亦毒氣壅盛  
不能宣發所致宜用前清解散以宣之痘出即  
驚定矣若醫者不知是痘而誤作急驚施治或  
單以寒涼投之或以驅痰藥峻下之其兒必死  
何者阻遏其毒使不得出而內攻也故未痘之

兒若遇此等症卽當經疑恐是出痘

又有發熱稍輕至二四日而痘尚隱隱不出者  
最要詳察不可一槩認爲毒輕痘少而漫不加  
意若發熱和緩精神清爽飲食如常出痘少而  
點數明頭粒尖漸漸長大紅活此爲毒輕痘少  
無疑矣若身熱雖輕至二四日而怠倦嗜臥不  
思飲食所出之痘影影淡白點粒不明此非痘  
毒輕少亦是血氣虛弱送毒氣不出也急宜用

前溫中益氣湯以托之甚者必連服二三次痘  
始出齊其痘必多若因其安靜袖手坑視而不  
急托痘出外延至五六日後毒氣內攻須臾告  
變不可救療甚足畏也昔人熱輕則痘輕之說  
可盡信乎而六日以前痘未出齊勿用溫補之  
說可盡拘乎

自有方書治痘以來其時不啻二千年其人  
啻數百家然皆詳於已出之後畧於未出之前

溪言出速而稠密之危不言留中而不出之禍  
不知已出之毒外寇也未出之毒內寇也出速  
而稠密者外攻也留中而不出者內攻也內寇  
與外寇勢孰急內攻與外攻禍孰烈故痘已出  
而死者多在旬日之外痘不出而死者多在六  
日之內徒知禦外寇而不知逐內寇自古以  
來諸賢之為計疏也然其失計安在惟在痘未  
出而急於解毒緩於逐毒也不知未出之毒不

可解說已見前但當汲汲逐之出外也予深悟其理

而明鑒其失故長顧卻慮為未出以前諸症詩  
法惟明辨其虛實寒熱以施治實熱者且發其  
壅滯以逐毒出外虛寒者補助其氣血以逐毒  
出外至於急用寒涼遏毒內攻等弊則諄諄致  
戒不厭再三以救前哲之失一以開後人之  
迷雖岐黃復起不易五言矣

一發熱至二四日報痘形如粟米口鼻腮耳等



壽之間先發數點淡紅潤澤者最吉不必服藥  
若身熱一二日即出痘先發於天庭司空印堂  
等處者或一齊出而稠密者或乾枯而紫黑者  
或成片不分顆粒者皆血氣凝滯而毒氣肆行  
最為可憂急宜活血養氣而解毒用  
調元化毒湯

綿黃耆 生用 八分 人參 四分 白芍 生用 酒洗 各六分  
牛旁 連翹 各七分 酒炒芩連 各八分 防風

荆芥 桔梗 前胡 木通 各五分 紫草茸 酒洗  
六分 紅花 生地黄 俱酒洗 各三分 甘艸 蟬退 各四分  
山查肉 八分 生薑 一片 同煎溫服 服痛者  
去參薯加炒枳殼 八分 大便久秘者去參薯  
加酒炒大黃 一錢五分 微利之 大便通仍除之  
若血氣與毒氣俱旺而脈洪數者歸芍減  
之一去參薯  
若痘出不快者其症不同最宜分別 有痘色

紅紫乾枯或密如蚕種或一片不分顆粒身熱  
大便秘而不出不快者此毒氣鬱滯血氣不流行  
也用前調元化毒湯去參耆加小川芎清之  
有痘色淡白飲食減少身涼手足冷小便清太  
便滑而不出不快者此氣血怯弱不能載毒出外  
也用前溫中益氣湯托之 有鼻塞聲重咳嗽  
惡寒而不出不快者風寒蔽之也宜發散之用  
加減參蘇飲

蘇葉 六分 人參 陳皮 小川芎 羌活

防風 荆芥 各四分 桔梗 白芷 甘草 各三分

冬加麻黃 五分 生薑三片同煎帶熱服但不

可出汗

或有因邪穢所觸伏陷而不出不快者其痘必癢  
宜用平和湯解之外以蒼朮紅棗沉檀等燒之  
以辟其氣  
平和湯

人參 當歸 桔梗 白芍 紫蘇 黃耆  
各四分 防風 白芷 甘草 各三分 官桂 沉香  
檀香 乳香 藿香 各二分 生薑 一片 同煎溫  
服

痘正出時有忽然傳風眼直視牙關緊者此調  
護不謹而為風邪所襲也且勿輕用驅風峻藥  
宜用

薑附湯

白附子 二錢 老生薑 二錢  
切細

二味濃煎湯灌下 一二酒盃出微汗即愈

痘正出時身微溫而不熱不寒者為佳或熱輕  
和緩亦無妨惟大熱者可憂若出齊發熱尤可  
憂其痘必稠密必紅紫必乾枯仍用調元化毒  
湯去參耆主之

看痘出齊與否以腳心為驗腳心有痘則出齊  
矣若稀少者不必拘此

肉食不可太早，必待痘出齊而身不熱，方可食。猪肉若熱未退而食，肉以助火邪，必成大患。鷄肉首尾俱不可食。惟起脹時怯弱者，可食以助行漿。壯盛者亦忌之。諸魚皆腥，牛羊皆羶，痘家最忌，並宜禁絕。

●痘出齊後起發灌濃數日內調治法

報痘三日後痘已出齊，身體溫和，精神清爽，顆位尖圓潤澤，根腳紅活，胸背稀疎，飲食如常，一便不瀉，此順候也。不必服藥，但節飲食，避風寒，防穢氣而已。

痘出齊後三日內，其時日十分緊要，其形色症候最宜精察。蓋好痘全要膿漿濃滿，其次亦要六七分膿漿，方可保無虞。痘一出齊，形色顯然，其膿之成與不成，足與不足，皆可逆觀矣。除以上順候，自然膿足，不必服藥外，其有不順者，後必無膿，或膿少而清，急於此三日內，觀形色察色。

痘之生死判於膿之有無

分別寒熱虛實用藥調治以為灌膿計猶可及也失此不治多有緩不及事而竟不成膿者矣痘之生死判於膿之有無有膿則毒從外散故生無膿則毒留內攻故死是以膿濃滿而痂厚者上也膿未滿而痂薄者次也其下者徧身俱水疱然水疱七八分而間有二三分膿疱者猶可生也其最下者密不成顆串為一片而其皮下有膿漿又或疱密而潰膿水濕漬猶可望生

也惟乾枯無膿漿或薄漿不滿一二分者必痒塌而死無生意矣是以出齊而調治灌膿如拯溺救焚不可緩也

氣血流暢則毒化為膿膿之不成其病有二毒氣熾盛則血燥而凝故不能運化而成膿元氣虛弱則血寒而縮亦不能運化而成膿故痘色紅紫乾枯或帶焦黑者毒熾而血凝者也必不成膿急宜用清毒活血湯

痘色淡白疱不尖圓根無紅暈者氣虛而血縮者也必不成膿急宜用參歸鹿茸湯或千金內托散

清毒活血湯

紫草茸 當歸俱酒洗 前胡 牛旁 木通各六分  
生地黃 生白芍俱酒洗 連翹 桔梗各五分  
酒炒芩連各七分 甘草四分 山查肉八分 人參三分  
生黃耆八分 生薑一片同煎煩渴者去

參著加麥門冬酒炒花粉各八分

參歸鹿茸湯托膿妙方

鹿茸酒塗炙去毛勿用酥炙恐其糲也三錢 嫩綿黃耆蜜炙一錢伍分  
當歸身酒洗壹錢伍分 炙甘草六分 人參壹錢二分  
生薑一片好龍眼肉三箇同煎去渣入好酒一盃溫服 兒有能飲酒者濃煎藥汁與酒相半和服亦好 虛弱未甚者服此一二劑其痘即轉紅活行漿 困倦手足冷飲食少

活心法 卷之七

者加木香 三分 丁香官桂 各五分 寒戰咬牙者  
 再加官桂 三分 製附子 八分 泄瀉者去當歸  
 加麵炒白朮酒炒白芍白伏苓 各八分 木香丁  
 桂 各三分 另用參朮散止瀉 方見後三  
 十九葉  
 托膿之劑莫妙於此方以鹿茸補血力峻與  
 草木諸補藥不同然恐鹿茸未必得故又錄  
 千金方備用

千金內托散

人參 一錢 當歸身 蜜炙黃耆 各一錢 酒炒  
 白芍 大川芎 各六分 官桂 炙甘草 山查  
 肉 各五分 南木香 防風 白芷 炒厚朴 各  
 三分 生薑一片龍眼肉三箇同煎入好酒和服  
 隨症加減法同上 有用人乳和藥服者雖  
 於灌膿有理但人乳性涼脾胃弱而大便滑  
 者忌之泄者尤忌之

出齊後當治不治則漿不行而五膈之症作矣

五陷者白陷灰陷紫陷黑陷血陷也  
痘稠密紅紫而頂陷者紫陷也其則轉而為黑  
陷也此毒熱熾盛蔽其氣凝其血而陷也仍用  
前清毒活血湯治之其隨症加減法亦如之然  
當其紫陷時不過一二劑而痘立起其效如神  
及至黑陷則受毒已深雖用此方救治而不活  
者十嘗八九矣

痘雖稠密其色淡白根無紅暈而頂陷者白陷  
也甚則轉而為灰陷也此血氣虛寒不能運化  
毒氣以成漿故陷也宜用前參歸鹿茸湯或干  
金內托散治之其隨症加減法亦如之  
又有一種痘瘡頭粒通紅成血泡而不成漿者  
此氣虛不能統血而血溢妄居氣位也詳見前  
論氣血條宜用參薯湯大補其氣  
參薯湯

人參 蜜炙黃耆 各五錢  
炙甘草 壹錢  
官桂 五分



生薑一片同煎温服服此疱即轉白而成漿  
 血疱失治則氣愈虛而為血陷然治之亦不外  
 此方血陷與紫陷相類但血陷雖紅然淡而不  
 紫也紫陷屬熱氣粗身熱血陷屬虛氣少身涼  
 不可不辨

何西丘論五陷說理朦朧不明管辨論之尤舛  
 錯可惡痘出齊二三日後毒熱化為膿漿漸漸  
 充滿起頂光滑明潤身體温和飲食能進小便

清利大便二三日一次此順侯也不必服藥但  
 節飲食護風寒避穢氣而已

犯五陷者治已見前其或雖不陷頂而痘不光  
 潤或疱虛而漿不過三四分或雖有漿而清薄  
 或行膿至二三日尚不充滿此皆難以收靨宜  
 用參歸鹿茸湯催足其漿

膿漿不滿鷄冠血酒亦可用用二五年以上大  
 雄鷄先將好酒一盃頓温次刺鷄冠血滴入和

可殺  
勻仍頸溫服之服後或燥痛一時無妨其鷄不

又有一種出痘稠密毒火既盛然元氣虛血氣弱津液枯竭不能制火以致虛火炎蒸或煩或渴或咽喉痛或鼻時出血難任溫補療必不能成漿結痂大凡年長之男女嗜慾久開血氣既耗者多有此症最為難治時醫見其多熱候率用清涼如犀角地黄湯之類不知原因血氣不

能勝毒氣而致有此症今又純用寒涼則血氣愈虧損而毒氣愈肆行豈復有可生之理是以此等痘症時醫治之十無一生殊可哀憐今特製參麥清補湯以調之

人參 八分 麥門冬 去心酒蒸晒 乾一錢二分 白花粉 酒蒸晒乾  
生黃耆 各一錢 前胡 牛旁 各五分 炙甘草  
生甘草 各三分 酒炒白芍 生白芍 各四分 當歸  
酒洗 紅花 酒洗 大川芎 生地黃 酒洗各  
八分 三分

桔梗 三分 山查肉 五分 生薑一片 龍眼肉三

個同煎 溫服 遇此症者 此藥當頻頻服

痘出五六日內 至七八日 若膿漿不行 亦當用

前參歸鹿茸湯托之 黃耆生用 不必加減 若膿漿不起 則

無生意矣 若有四五分膿 猶可望生

起發灌膿 時有吐泄者 症各不同

吐有二端 吐而酸苦 有聲吐訖 反快者 毒火上

騰也 梔連二陳湯止之 此痘色必紅紫

起發灌膿吐泄

梔連二陳湯

薑汁炒黃連 各五分 薑汁炒梔子 各五分 白伏苓 八分

製半夏 四分 去白陳皮 各二分 炙甘草 各二分 生薑

一片同煎 緩緩服 吐止即勿服

吐而有物無聲 不酸不苦 吐訖困倦 不思飲食

者 胃氣損也 參砂和胃散主之 方見前 此痘色必淡白

泄有二端 泄而糞黃臭穢 小便赤濇者 毒氣奔

越也 痘色必紅紫 加味四苓散主之 泄而糞青

舌力八十五

白滑利者虛寒也痘色必淡白參木散主之如  
虛滑不止兼用七味豆蔻丸  
加味四苓散

朱苓 木通各八分 澤瀉 赤伏苓各七分

車前子畧炒 黃連 黃芩俱乾炒 牛旁製見前各五分

燈心一團同煎食前服

參朮散

白朮用裏白無油者去蘆刮去皮炒壹兩 人參 白伏苓去皮

砂仁 炙甘草去皮 薏以仁炒熟揀淨 家蓮子去心

炒真神麴炒 山查肉各五錢 肉豆蔻麴裏煨熟去麴切細

用火帛包煨取肉 柯子去核 廣陳皮洗淨去筋膜晒各四錢

南木香三錢 以上共為極細末每用二錢清

米飲調食前溫服兒有不肯服者入稀粥內

和服亦可

七味豆蔻丸

肉豆蔻 柯子製俱同前 砂仁 南木香 白龍

骨煨各五錢 赤石脂煨 枯白礬各七錢 麵糊爲丸如  
 菘豆大每用清米飲下二十九或二十九量  
 兒大小與之兒有不能吞丸者將丸研碎入  
 粥內服之亦可

此等丸散治痘之家必須豫製以防虛滑泄瀉  
 若痘起脹或收結時驟然泄瀉不止危在旦夕  
 矣然止泄用湯藥多不效有服至異功散而不  
 止者惟此丸散可以止之 惟毒熱作瀉者加

起脹灌膿大便必

味四苓散一二服即可止起脹灌膿時或有六  
 七日不大便而寒悶作痛者毒盛而秘也用前  
 清毒活血湯去參蓍加懷牛膝一錢紫草當歸  
 各加至一錢煎藥熟去渣入生蜜半酒盃服之  
 如又不通用前藥加酒炒大黃二錢微利之若  
 仍不通用猪膽汁滴入穀道中即通終不可用  
 硝黃大下恐下後變他症則危矣  
 身涼而汗不止者歸荖湯主之

歸著湯

當歸身 五錢 蜜炒黃耆 三錢 酸棗仁 炒研 二錢  
水煎服

有痰用白附子熟水磨服切不可用一陳湯恐燥陽明孤陽無陰不能施化也至收靨時用之無妨

●漿足回水至結痂還元數日內調治法

痘出八九日膿漿充滿顏色蒼臘者上也若無

他症勿藥可也然痘出稠密而膿不甚滿者至

此時飲食多減痰液多盛宜用

養胃開痰湯

人參 白朮 炙甘草 白茯苓 山查肉  
山藥 炒家蓮子 去心炒 去白陳皮 製半夏  
桔梗 各三分

灌膿時忌用朮苓半夏恐其燥乾津液膿漿不行也至此將靨時可用矣 以上十味用

生薑一片同煎溫服渴者去半夏加麥門冬

去心八分北五味研碎九粒吐逆者加藿香砂仁

各三

**逆效**

此時有欬逆者俗呼胃氣上越也取真黃土鼻

**紫黑**

此時漿滿或為寒所薄一時痘俱紫黑如紫葡萄色不必驚恐急以上好肉桂磨湯或煎湯服之立見如舊

**寒戰咬牙**

有寒戰咬牙者此真氣外發而內虛寒也宜建

中湯大補之

建中湯

人參二錢 蜜炙黃耆三錢 白朮 當歸身各

錢五分 大川芎八分 大附子製乾薑炒帶肉桂

炙甘草各一錢丁香五分 生薑一片同煎溫服

一服立止其者不過二服 收醫後寒戰咬

牙者同此方調治

或謂寒戰咬牙之症有熱有寒如痘色紅紫齊  
勇掀發身熱煩燥作渴大便秘小便赤濇脈來  
洪數者熱也蓋胃熱則咬牙肺熱則寒戰也如  
痘色淡白皮薄頂陷身涼惡寒大小便利脈來  
沉遲者寒也蓋胃寒則咬牙肺寒則寒戰也此  
說當矣然此症屬寒者十九屬熱者十一見於  
七八日之前猶間有屬熱者見於七八日之後  
其屬熱者寡矣是以不為熱者立方

九日十日間膿漿足而色蒼蠟者必且發熱薰  
蒸此回水之候也蓋真陽運化其水自然消燦  
而收靨也其元氣不足者則不能及時回水而  
當靨不靨矣此虛寒症也必身涼而手足冷須  
大補氣血而助之收結宜用  
溫表調中湯

- 蜜炙黃耆 一錢
- 人參
- 白朮
- 白茯苓
- 官桂
- 大川芎
- 當歸身
- 炙甘草
- 炒乾



有熱不醫

薑各一錢 防風八分 白芷 丁香 附子各五分  
生薑一片同煎溫服  
其有發熱蒸蒸而當醫不醫者毒氣未解也退其熱則痘自收宜用

清表散毒湯

地骨皮 麥門冬 酒炒花粉各八分 牛蒡  
連翹 當歸各五分 宋苓 澤瀉 酒炒黃芩  
木通 生甘草各四分 水煎溫服

水醫

或用沙糖半酒盃百沸湯調作一碗溫服謂之  
甘露回天飲能令熱退痘收亦好但毒盛者恐  
未必效

調治吐瀉分別寒熱用藥俱同前

痘醫時有外潰而膿水淋漓者謂之水醫宜用  
新瓦為末篩令極細用絹袋包撲患處若乾加  
堆積不落內又磨膿即以瓦粉用鴨蛋調敷立  
收而落

腹痛

當盛時或忽然腹痛其痛著在中脘此熱毒疑滯瘀血作痛也用

消毒散血湯

牛旁 生白芍 酒洗 桃仁 炒去皮尖 酒炒大

黃 各一 紅花 酒洗 沒藥 乳香 供用燈心同 研細煎藥將

熟投入 水煎溫服一服立愈 各五分

結痂厚實無他症者不必服藥 結痂後發熱或煩渴者當辨其虛實寒熱調治

發熱壯盛胃腹手足頭面俱熱大便秘澁小便赤澁者餘毒盛也即當解毒大連翹飲主之若解毒遲則痂落後必發瘡毒

大連翹飲

連翹 牛旁 柴胡 去蘆 當歸 赤芍

防風 各八分 木通 車前子 荆芥 酒炒黃

芩 酒炒山梔 滑石 甘草 蟬退 各五分

生薑一片同煎大便秘者加酒炒大黃一錢 伍分

若其發熱稍緩頭熱面不甚熱手心腳心熱手背腳背不熱精神困倦大小便利者虛熱也宜用

補中益氣湯

人參 八分 蜜炙黃耆 一錢 白朮 當歸身 各  
分 柴胡 升麻 川芎 各四分 炙甘草 五分  
陳皮 四分 渴者加麥門冬 一錢 五味子 九粒  
生薑一片同煎溫服

痧落還元後或痧落一半後忽然徧身大熱者  
餘毒欲發癘也或手足四肢頭項背有二二  
處熱更甚者即癘之所在也此在膿漿不滿而  
結痧浮薄者速收速落者多有之急宜用前大  
連翹飲以退其熱大便秘者加酒炒大黃微利  
之如熱不退須連服幾劑必須熱退身涼癘毒  
方可內消  
此時又有忽然頭頂大痛者餘毒上攻也或因

多服熱藥所致若不急治其毒必注於兩目而  
目病大作矣宜用大連翹飲去木通車前滑石  
加升麻桔梗各六分川芎薄荷各四分服數劑以解  
散上攻之毒庶可免目患

痲落後有精神困倦飲食減少胃腹頭頂手足  
心發熱而煩渴者內虛也仍用補中益氣湯主  
之  
或有雖不發熱而倦怠嗜臥不思飲食或手足

冷或津液少而渴或癡白不紅皆內虛之候也  
亦宜用補中益氣湯調治不然恐生他症  
須知出痘多者收結之時還元之後五臟真氣  
發洩已多一身血氣耗散已甚雖或毒氣未淨  
而其正氣極虛是以用涼藥解毒必須用酒炒  
製其體氣弱者或時加入參耆歸芎之類以救  
血氣切不可因其有熱症而遽投以生三黃生  
梔子生大黃生石膏之類此時正氣微弱驟用

寒涼峻攻多有<sub>レ</sub>一投而輒斃者戒之戒之  
治痘之家既謹其始又必謹其終蓋痘之危險  
不測者有二一曰毒盛一曰體虛當其未出之  
時或三五日而速斃者皆因毒盛也及其結痂  
還元之時或誤投一藥誤進一飲一食而輒斃  
者皆因體虛也然毒盛欲出不出者能順其勢  
以導之出而不妄施解毒以阻遏拂逆之則未  
必致斃故前論再三戒諭深為謹始者慮也體

虛者能察其虛而補養之又防其虛而不峻攻  
之則可保無虞惟玩其收結還元而忽易不加  
謹者多致悞事故又深為謹終者警也

○備用緊要諸症方論

**夾斑丹**  
痘有夾斑而出者有紅赤點而無頭粒多隨出  
而隨沒又有夾丹而出者紅赤成片如雲頭而  
突起此皆毒火浮游散漫於皮膚之間也遇此  
者不必驚惶但用玄參升麻湯一二劑散其游

火其班丹自退

玄參升麻湯

玄參

去蘆

升麻

去散小根

甘草

八分

防風

荆芥

牛旁子

各六分

水煎溫服

麻

有夾麻疹

而出者用前方加桔梗酒炒黃芩各六分

令其麻疹先退痘瘡自當起發

倒

痘瘡初見一二日細小四五日漸大頂平至六

七日脚漸闊頂愈平陷其色金白形如豆殼者

名曰倒靨此氣血大虛而漿不行也宜用前參

歸鹿茸湯加官桂白朮川芎

各八分

南木香

四分

劑

大便溏泄者兼用參朮散

方見

痘瘡者表虛也

此為危症宜用

參耆實表湯

蜜炙黃耆

一錢五分

人參

一錢

炙甘草

官桂

防風

白芷

各八分

當歸

川芎

桔梗

厚朴

各六分

南木香

二分

生薑一片同煎溫服

一方外治痘痒用荊芥穗爲末紙裹緊搓糊粘紙頭令不散仍焙乾燈上燃之卻於桌上舂去灰指定痒痘頭用荊芥火點痒處一下患者自以爲妙每痒痘惡點之立止

痘痒必竟屬虛管憐乃謂有氣盛血熱而痒者此無稽謬說也又有謂因血上行氣分血味本鹹醃蝮皮肉作癢以爲近理然灰白之痘不惟氣虛而血虛亦甚矣豈能上行而醃皮肉而癢

場最甚則此說亦未必然也有穢氣觸犯而癢者急燒蒼朮紅棗或黃茶葉以辟之甚者內服

平和湯

方見前

表虛之痘膿漿不滿多有癢者其在幼兒或兒雖長而神氣困者必不能禁其手搔須令其著舊軟絹衣袖長者用絹條縛其袖口令不得爪搔爲妙如無絹衣或作軟絹袋裹兒手亦可有一六歲女孩其痘不正膿漿淋漓而痒甚曾用

此法得不搔破其後頭面亦無疤痕若不用此  
法而爪破已多縱性命能保惡瘡次難免也  
痘痛為實此為吉兆用生白芍為細末酒調下  
一錢五分立止甚者不過二服

痘出齊後有面目腫脹而痘不服者此血氣虛  
弱不能拘攝毒氣以成膿故其毒散漫妄行肉  
分也此為危候急宜大補氣血以收攝其毒則  
痘灌膿而肉脹自消矣以參歸大補湯主之

參歸大補湯

人參 當歸 蜜炙黃耆 各一錢  
桔梗 山查肉 炙甘草 各八分  
防風 白芷  
薑炒厚朴 紫草茸 各六分  
南木香 三分  
生薑 一片同煎溫服

痘發

痘出齊數日後其間有紫黑脹硬獨大而無根  
暈者痘疔也用四聖膏填入或拔毒散點之  
四聖膏



珍珠 碗豆 俱燒存性 亂髮灰 三灰等分 水片 半分

用油胭脂調成膏先將金銀簪撥開疔口將藥填入瘡內即轉紅活

拔毒散

雄黃 一錢研細 胭脂濃浸水調點疔頭上即時紅活

癰發

痘毒發於肌膚而氣血不能悉運化以成膿結加則有鬱熱不散赤腫而成癰者其發於未收

以前者少而發於既收以後者多未收以前必膿漿少而薄者有之若膿漿醲滿者無有也既收以後必結痂浮薄而速結速落者有之若結痂厚實而緩結緩落者無有也此毒氣發洩盡與不盡之明驗也又有不虛而服補劑不寒而服熱劑以致發癰者醫之悞也凡此俱大連翹飲主之方見前但當其初發熱發腫時內外夾攻急消散之為上至於成膿則幼小之兒多難堪

而在頭項胃腹腰背者甚險也慎之慎之外治以三豆漿塗之

黑豆 菜豆 赤小豆 各用一合以酸醋浸脹搗研醱漿時時以鵝翎刷之紅腫退去其效如神

又方用赤小豆為細末清水調敷乾即易之痘瘡原多潰爛收結後或手足等處仍作熱臭爛出膿水不止者生肌散搽之

爛臭

生肌散

地骨皮 黃連 炒 黃栢 炒 五倍子 生甘艸 等分為細末乾搽之即熱退結痂而愈其有仍作熱作膿而不即愈者內毒未淨也仍用大連翹飲解之

又有餘毒流注各處出清水者綿蠻散搽之

者 須是出 者 蠶子

綿蠻散 治痘瘡身軀肢節上 有疳蝕瘡膿水不絕 出蛾綿蠻不拘多少用生明礬末填在內燒

活力心法

卷之七

五十四

令汁盡成灰爲末乾摻之

痘有鼻中衄血者毒氣上衝于肺也此其毒氣外洩亦非惡候不必驚惶只用髮灰散或清肺湯治之切不可峻用寒涼如犀角生地山梔生三黃之類冰伏其血必爲大害世人不諳此理一遇痘瘡有衄血咽喉口舌等症卽認爲實熱遽投以寒涼冰凝血脉以致痘瘡不得成膿而變爲壞症者多矣是治末而妨其本昧之甚者

血衄

也

髮灰散

用少壯無病人亂髮不拘男女肥皂洗淨油垢氣又用溫湯洗淨肥皂氣焙乾量髮多少用新瓦罐一箇將髮填入內令滿淨瓦片蓋口鹽和泥封之又全封瓦罐曬乾用木炭火圍罐一半煨一炷香久取出候冷其灰成塊研令極細每用二錢童便七分酒三分調服

立止輕者只用灰吹鼻亦止。此方極妙不  
惟可用之痘瘡凡諸血症皆可用

清肺湯

酒炒花粉 麥門冬去心 天門冬去心皮

甘草 桔梗 當歸酒洗各五分 酒浸生白芍

酒炒片苓 酒洗牡丹皮 蜜炒知母各四分

生薑一片同煎一二服立止如有髮灰入一

錢調服尤妙

水痘

痘有水疱無膿者血少不能化膿也急宜用參

歸鹿茸湯峻補其血方見前若膿疱與水疱相半

者無大妨害如十分中有二三分膿疱者猶有

生意惟渾身水疱全無膿漿則危矣然胃氣好

而飲食如常者亦可望生但其毒氣未散須防

發癰耳

水疱膿  
痘相間

其或兒小痘多則血氣有限不能盡成膿漿而  
水疱與膿疱相間此常理也若無他症不必施

瘡口

治

痘有口舌生瘡者或是熱毒或是虛火當以痘色辨之切不可槩認為實熱而純用寒涼解毒如痘色紅紫湧盛者熱毒也用清上飲主之如痘色淡白者虛火也用參麥清補湯主之方見前外用赴筵散搽之清上飲

薄荷 防風 甘草 各四分 白粉葛 牛旁

連翹 桔梗 酒炒芩連 酒炒花粉

麥門冬 各六分 生薑一片同煎溫服

赴筵散

薄荷葉 黃柏 各等分為細末入青黛少

許和勻搽之

或口舌有痘而腫硬者痘壓自愈不必治治亦不效

喉咽

痘有咽喉腫痛者首尾俱用利咽解毒湯外用

野功心法

卷之七

卷之七

玉鎖匙吹之

利咽解毒湯

山豆根 麥門冬各一錢 玄參 桔梗 牛蒡

子各七分 防風 甘草各五分 生薑一片同煎食

後良久溫服每藥一煎分二三起緩緩服

玉鎖匙

朋砂 一錢 朴硝 五分 姜蚕 一條 片腦 五釐

右為細末以竹管吹之

失聲

痘有音啞者當細辨痘色以分順逆若痘色紅者行漿而音啞者此氣喉有痘也是以外痘行漿時內痘亦行漿窒礙氣道而音不亮也待外痘靨則內痘亦消而音自亮矣此不必別加調治也若痘色虛陷灰白而音啞者乃血氣虛弱送毒不出毒留於肺肺氣受傷以致失音此則危矣宜參麥清補湯主之方見前兼用千金內托

散方見前

活幼心法

卷之三

痘

水噎

痘有咽喉噎水者順逆不同須當分辨若痘灌膿漿時噎水者喉中有痘也外痘成漿則內痘亦成漿壅於會厭門而噎也蓋是門乃飲食所進之處既有所壅則飲水必溢入氣喉而發噎若食物有查自能咽下不犯氣道故不噎也待外痘屬則內自痊不藥而愈矣然此雖噎水其喉不甚痛也若痘未行漿而喉先噎水此則毒氣雍塞其喉必痛宜用前治咽喉方治之

不利便

痘有小便赤澁者用

導赤散

用此方不啓者用後六十八葉八正散

木通

赤茯苓

去皮

麥門冬

各八分

車前子

微炒

生地黃

各四分

甘草

人參

各二分

燈心

一團如

龍眼大同煎饑時服

眼患

痘毒入眼有赤腫而痛不能開者有翳膜遮蔽而不能視者自古方書所論及俗說所傳皆以為痘瘡入眼而不知此非有形之瘡乃無形之

毒也其遮睛之翳有似痘瘡而實非也蓋有形之瘡發於咽喉者有之發於口舌者有之然皆外瘡起脹時內瘡亦盛外瘡收靨時內瘡亦消惟入眼之毒必作於收靨之時或還元之後與咽喉口舌之痘迥異此以知其非有形之瘡也蓋眼者五臟氣血之精華也痘毒之鬱滯於肌膚者爲癰爲癩而其留滯於精華者則發爲眼患矣毒已留於氣血精華之分則其受病也深

故患此者宜從容調治收功于數十劑之後切不可鹵莽燥率實效於數劑之間何也痘後之人元氣已弱受毒又深而其毒火發露在表又在至高之位若驟用寒涼峻攻其裏而疏利其下則既傷其元氣又拂逆其病勢未有不至於喪明者且或生他症而爲大患者多矣須用清毒撥翳湯從容調治使其毒氣漸退而元氣不損此萬不失一之術也又忌用寒涼之藥點洗



亦多致失明

清毒撥翳湯

酒炒黃連 當歸 酒洗 天花粉 酒蒸 牛旁

草決明 桔梗 甘草 白蒺藜 炒碾去刺 各五分

真甘菊花 蜜蒙花 穀精草 川木賊

白粉葛 各四分 川芎 羌活 柴胡 防風

薄荷 生地黃 酒炒山梔 各三分 生薑 一片

同煎食後良久服大便秘澀者加酒炒大黃

一錢五分 服一二劑後仍去之此方毒輕者不滿

十劑而愈毒重者服數十劑然後可獲全效

痘疹活幼心法卷上

活幼心法 卷之六

痘疹活幼心法卷下

附或問  
六條

清江久吾聶尚恒著

或問曰事貴豫防醫治未病古人立豫解痘毒  
之方或解之於平時或解之於臨時其方何啻  
數百子何以知痘毒不可豫解而不載一方也  
曰以其理知之又驗其事而知之也蓋痘毒稟  
受於胚胎而潛伏於五臟或數年而後發或十  
數年而後發或數十年而後發當其未發時深

活幼心法 卷之六

藏潛伏聲臭俱泯於何而解之彼無聲臭之毒  
又豈有形質有氣味之藥所能解散且用藥攻  
病猶如用兵誅寇故必執兵持竿然後可以寇  
誅之當閭閻無事時雖有奸豪潛伏其中而不  
執兵不持竿誰能識其爲寇而誅之今豫解痘  
毒於聲臭俱泯之時得無類是乎此以理知其  
不能解也予婦產男女十人皆已出痘前六人  
多用豫解痘毒之方而出痘反有極多者後四

人不用此方而出痘極少皆勿藥自愈矣此可  
驗痘毒輕重定於稟受之初而不能豫解也然  
服解毒藥於平時雖無益猶無害也至於臨時  
解毒則有反害者矣每見富貴之家父母珍愛  
其子一聞鄰家出痘則多服解毒之藥以致損  
兒胃氣者有之或兒已發熱將出痘而多服解  
毒藥以鬱遏其毒氣者有之犯此二者所謂無  
益而又害之者也以是知解之於臨時者尤不

可也

或問日子立論折諸家之衷若劉河間錢仲陽張潔古王海藏陳文中等皆古名醫子議其失猶之可也至於朱丹溪集醫道之大成而子亦議其未盡痘家之妙何也曰丹溪之醫誠精矣子謂其足以盡醫家之妙乎又足以盡痘家之妙乎且醫之爲道精微廣大亦難言矣自古名醫雖各有精妙然亦多有訛謬如王叔和著脉

訣論五臟六腑謂三焦無狀空有名寄在胸中膈相應夫三焦者右腎命門之腑也男以藏精女以繫胞若其無形狀何以藏繫若其寄在胃膈何以爲右腎之腑而脉絡獨屬之右尺也此其說大謬矣夫叔和明醫豈無精妙而錯論臟腑大失古人之意有如此者後人宗其訛謬習焉不察至宋張季明著醫說始論其謬其言有理有據然世竟宗叔和之謬而莫知有季明之

辨也如此之類何可枚舉若劉河間等之治痘而專用寒涼解毒則又宗內經諸瘡瘍屬心火之言而失其意者也蓋內經此言爲諸瘡發也非爲痘瘡發也痘瘡與諸瘡大不同者也且黃帝委幼小於不知其於痘瘡已置之勿論矣而劉河間錢仲陽輩乃宗其論諸瘡之言以治痘瘡此何異行車于水而推舟於陸也訛謬甚矣丹溪又宗劉錢而不能正其謬者也何以能盡

痘家之妙也

或問曰古人治痘一以解毒爲主至丹溪揭解毒和中安表六字論者以爲精當之極大略謂痘未出而能解毒則可以使痘出稀少痘既出而能解毒則可免潰爛發癰發疔入眼等患此豈不深有至理而子獨極言解毒之害而諄諄以安解毒爲戒此其爲說未之前聞不亦過高而駭衆乎曰此痘家第一精深微妙之理古今

高明之士皆迷而不悟是以徒知解毒之利而不知解毒之害也雖丹溪解毒和中安表之說亦欠分曉蓋揭解毒二字於和中安表之上後人執而用之多致悞事以丹溪之明而見不及此況其下焉者乎蓋豆毒久伏於五臟一旦觸動而勃發其勇悍猛烈之勢斷不可禦遏又何可解散智者惟順其勢以導之出外而已昧者當其欲出未出時而遽投以解毒藥則拂逆其

勢豈惟不能解散而適以逼之返戈內攻宜其禍不旋踵也故多有痘纔見數點而兒已斃者則亦慘矣近日每見富貴之家極珍愛其子者多罹此禍然而病家與醫家終不悟其失且曰此痘最惡吾先爲之解毒猶不能救况不解毒乎噫迷亦甚矣獨不思使其不遽用解毒藥以逼毒內攻則毒出外而內自安何遽至於斃縱其痘出或稠密或紅紫或乾枯猶可從容調治

孰與未見痘而速死之慘乎是以痘未出之前  
 除升發微汗一劑外凡攻裏清表寒涼解毒之  
 劑當一切禁之如砒巴勿令入口可也古人謂  
 不可汗下亦是此理惜其語焉而不詳也丹溪  
 亦戒妄汗妄下庶幾不失古人之意矣然又教  
 人用犀角地黃湯之類是徒知汗下之害而不  
 知當此欲出未出之時不必汗下而後為害即  
 多用清涼如犀角生地之類亦能遏毒內攻而

致害也惟人參敗毒散能宣發毒氣出外猶無  
 害耳若胡氏輩率其愚臆謬見而妄謂非汗則  
 表熱不解非下則裏熱不解汗下以解表裏則  
 痘出稀而必無逆症而後之愚儒若管櫛輩又  
 從而敷衍其說使世人不察而悞用之以致兒  
 童之罹此而夭折者不可勝計禍亦大矣予欲  
 救其禍安得不詳辨以破其迷也至於痘既出  
 之後則有不必解毒者有不可解毒者有不可

活幼心法 卷之十  
專解毒而必兼補養者有可以專解毒而不必兼補養者不必解毒與不可解毒者前說辨之詳矣若其痘出稠密紫暗乾枯而不起發不灌膿者此毒氣盛而血氣弱者也或先用清涼藥解散其毒氣而隨以補血氣藥助其行漿或於解毒藥中兼活血養血扶元氣藥可也此則所謂不可專解毒而必兼補養者也丹溪所謂解毒和中安表者惟用之於此為適當乎若其痘

出稠密湧盛紅紫凸綻而潤澤然而口渴喜飲善飢喜食煩燥不安大便久秘小便赤澁此則可以專用清涼解毒不必復兼補養者也大畧既出以後未收以前可以專解毒者惟此一症以其血氣與毒氣俱盛耳然兒童出痘多者真氣發洩血氣難支多致虛弱恐血氣毒氣俱盛者百中一二耳專主解毒者錯謬不亦多乎惟收結後覺有餘毒則急宜解散不可少緩緩則



活幼心法 卷之十  
恐發癰患眼也

或問曰昔人治痘先辨生死其症逆而必死者或作為歌訣或著為圖說戒人不必施治若妄治則反招怨尤子獨不分別逆症而一槩為之立方設法何也曰彼以醫之心立法而吾以父母之心立法也世之出痘者孰非人子乎父母之於子忍度其必死而不為之救治乎況病症雖有順逆而治法豈無工拙彼前人思之未精

治之未盡其妙多以可治之症認為必不可治而一槩教後人棄而勿治此非仁人之心也予甚惡其說是以必矯其失然非徒以空言矯之也每於前人所指必不可治之症十嘗活其五六又未嘗不咎前人之疏於立法而輕於立言也是以不忍不為之死裏求生也其或有求其生而不得吾未如之何者然後於好生之心無忝矣

或問曰古人立方用大靈丹無比散小無比散  
獨聖散大成散人牙散返靈丹龍虎丹之類皆  
相傳以爲治痘妙方而予俱不取用何也曰痘  
瘡一以血氣爲主其順者血氣能勝毒氣者也  
其險而不順者皆血氣不能勝毒氣者也治痘  
者當視血氣強弱而酌其宜以解毒氣乃爲穩  
當以上諸方皆用金石腦麝等悍猛之藥以劫  
散毒氣而損傷血氣殆甚用之於元氣厚者或

可以偶中而獲效用之於元氣弱者一不中而  
萬有餘敗矣前人傳用其方蓋計其效而不計  
其敗者也予所以不取用者恐未得其效而反  
受其敗也惟熱毒入心經而狂燥不知人事者  
猪尾膏可間用之而虛弱者仍忌用也今錄其  
方于後

猪尾膏 治熱毒入心經而  
狂燥不知人事

冰片 一分 刺猪尾血一錢同研温酒調下  
五釐

或問曰子之著論立方自以爲得之透悟前無  
古人後無今人矣子固得心應手隨試輒效矣  
不識依子之術者亦能如子之妙應否乎曰此  
則難言之也予惟精思透悟善通古人之意而  
妙用吾心之神故每能轉禍爲福起死迴生也  
後有能通吾意者其神妙出吾之右可也若不  
能然則未可必也何者得心應手之妙不可以  
形之於言而筆之於書也予蓋久精此術而不

輕於著書亦爲其有不可以言傳者耳至於近  
時歷觀世人之治痘之迷謬而兒童多遭夭折  
之禍故亟爲是編以正之雖未必能授意傳神  
而亦可以醒迷救禍也

○附治痘醫案十一條

予第四兒生四十日卽出痘其初頭上并身上  
不過三四點兒身不甚熱飲乳如常看者皆謂  
此兒痘極少當不滿百粒予以爲未必然卽令

禁風調理再越三日而遍身出痘甚多頭上胸  
腹腰背手足俱稠密之甚至於頰上面上及陰  
囊等處俱一片純紅不分顆粒臍內痘甚多臍  
因腫大突出舌上痘亦多形如白米濃漿布置  
滿舌看者皆以爲兒小痘多又有不順諸症此  
必不可爲矣予見其痘出紅活又頗能飲乳以  
爲尚可調治慮其血氣難支因以人參黃耆熟  
甘草煎濃汁時與乳相間服之以助其灌膿起

脹至於五六日後其頭上之痘多有膿漿而間  
有水泡至於身上及手足則水泡大半而膿疱  
僅小半耳予以爲兒小而血氣有限其理宜然  
不足憂也獨憂其頰上面上一片純紅者無一  
點膿漿以爲必得皮下有膿而後毒氣可散仍  
時以參耆甘草汁與之以助其灌膿至於第七  
日一更時分頰上純紅者忽有一二處轉黑色  
予見之而大驚先大人亦見之而大驚以爲此

毒盛而將變逆症也然察兒精神與飲乳則又未見困憊是夜三更時見其陰囊亦轉黑結痂于困悟而喜曰此非惡候乃痘欲收而結痂也緣兒小而血氣易於周浹是以七日後即收靨不可拘以九日常期也果而第八日寅卯時分自上至下遍身俱結痂至晚而結完第九日自上至下遍身俱落痂至晚而落完痂落完後遍身復發大熱予曰此痘毒未得盡發是以速收

速落而復發熱如此蓋餘毒盛而欲發癰也急宜解毒因以大連翹飲濃煎汁每用半酒盃以茶匙緩緩挑服之凡一日一夜服至二三酒盃而熱退身涼可無癰患矣其鼻上痂落一層又結一層封閉鼻氣不得出因以蜜潤其痂用銀耳空挑開鼻孔以出其氣其一片純紅處痂雖落而膿水未乾以黃栢黃連甘草地骨皮五倍子爲細末糝之而愈其陰囊流清水數日不愈諸

藥不效用綿壘散糝之而愈夫以此極小之兒  
極多之痘極危之症而隨症用藥其應如神立  
起回生其效甚大已試之明驗章章可觀矣而  
古人之著書與世人之治痘一遇兒小痘多與  
夫穿臍純紅水泡等症卽棄而不治不亦大悞矣  
乎生靈天死何可勝計也雖往者不可如何而  
來者猶及救也有司命之責者懷慈幼之仁者  
急宜知之

予次女六歲出痘發熱甚緩至二日而面與手  
微有痘影數點熱至第四日而痘影仍是數點  
且帶白色但因倦嗜臥不思飲食時醫視之謂  
其痘瘡輕少不滿百粒子心疑之以爲若痘不  
滿百其兒當精神清爽飲食如常今因倦嗜臥  
不思飲食而痘影淡白此其痘不少因血氣虛  
弱送毒氣不出故也因以溫中益氣湯方見前  
托之服一劑而皮下紅點隱隱欲出者甚多服

二劑而痘出大半一日一夜連服四劑而遍身  
出齊稠密之甚緣此女未出痘數日前曾患發  
熱嘔吐稍傷胃氣是以血氣弱而送痘不出必  
待溫中托裏而後痘出也其時有一婢與之同  
日發熱其困倦嗜臥不思飲食痘影淡白等症  
一一與之相類但此婢數月前曾經出赤痘遍  
身稠密其父母誤認以為已經出痘遂謂前症  
不是痘瘡勿令服藥但時以高菜湯及粥食與

之而已至於第六日忽然變症痰湧直視須臾  
死矣此痘不得出而內攻之禍也藉令子女不  
於第四日用藥托出痘毒而延至第六日不與  
此婢同斃乎以此知治痘於當出不出之時若  
不能察其虛實而逐之出外其不測之變甚可  
畏也

予妹年二十三歲有娠三四月夜間偶為盜賊  
所驚因歸寧到家不數日而半產又不數日而

發熱一日而痘出頗多至四五日而痘出齊稠密可憂又兼嘔吐痘色淡白諸醫見其稟氣怯弱半產虧損痘出又多皆不敢施治予曰豈有坐而待斃者乎因以參朮陳皮等安和胃氣止其嘔吐而痘色亦畧轉紅活予喜曰此可溫補而調治也因以參朮歸炙草官桂丁香木香等大補劑屢投之每服補劑後其痘色輒轉紅活若半日不服藥則又轉而淡白予因一日一

夜必投以兩大劑至於痘正灌膿時聞其血路尚未淨予曰此注漏卮也急於前補劑中去官桂木香加炒黑乾薑蜜炒升麻柴胡各壹錢貳分阿膠艾葉各八分服二劑而血路立止仍除此五味依前補劑頻頻投之其膿漿漸漸充滿至二十餘日而後收靨獲安後又患眼腫翳頗甚服清毒撥翳湯方見前數十劑而愈當其服大補劑時每劑用參朮各叁錢丁香桂各一錢他



活幼心法 卷之下 七  
藥多寡稱是前後二十日服過四十餘劑遇此極虛之症若不用此峻補之藥其能拯危爲安乎而區區常格何足拘乎

一表弟年十五出痘遍身稠密至八九日當灌膿時其痘粒粒陷入成窩諸醫用木香異功等藥治之其陷伏愈甚惟有待斃而已予往視之見其痘色紅紫而體氣頗旺予曰此非虛弱乃毒氣壅蔽血氣是以陷伏不行漿也因以清毒

活血湯方見前與之辰時投一劑至午時而陷伏立起再投一劑而膿漿充滿不必服藥矣及至將靨時又發熱蒸蒸不靨投以回天甘露飲方見前而收靨獲安

一表弟年四歲出痘至八九日當灌膿時尚無一點膿漿然其痘色紅紫予知其毒盛血熱是以漿滯不行亦以清毒活血湯與之服完一劑而膿漿即日充滿竟獲全安

一表弟年十三出痘身熱三四日後痘出隱隱  
數點忽然驚狂譫語欲走出外醫欲以涼藥解  
毒其家疑而請予視之予診其脈緩弱而察其  
痘色淡白予曰此其症雖似陽然因血氣弱而  
送毒不出故發狂譫也因投以溫中益氣湯一  
劑而痘出遍身狂譫自解精神清爽不必服藥  
矣

予妻弟年十八出痘痘甚稠密既已收結而煩  
悶不食口鼻時微有血危困之甚予妻兄治之  
以爲症不可爲矣予視其症知其元氣雖弱而  
毒氣壅盛未解也治以酒炒芩連酒洗歸芍柴  
胡桔梗牛旁連翹木通紫草之類服一劑而精  
神清爽能進飲食可保無虞矣予因戒令且勿  
服藥歸而語予婦曰汝兄暗於理而莽於鑿彼  
見吾治汝弟以清涼取效必將執泥其方而施  
於不當用者不知將誰受其害也已而越數日

妻弟痘痂尚未落淨而眼欲赤腫妻兄果謂其熱毒盛而可用清涼也遽投以生三黃生梔子生石膏等大寒之劑午前纔投一劑午後忽然變症須臾死矣初慮其將執方以悞他人不虞其卽以殺其弟也嗟乎同一清涼之藥同用之一人之身用得宜則可以生之用失其宜則因以殺之用藥者可以弗精弗慎乎哉

一表侄孫年十歲出痘痘極稠密而頸項甚多

俗謂之鎖頸痘又有暴脹痘數粒在各處謂之賊痘又其痘初出帶紫黑色諸醫技窮束手以爲斷不可治之症也其家星夜請予視之予至時其痘已出六日有餘正當灌膿之時而尚無些少膿漿醫者因其兒體氣素強又有賊痘等疑尚以解毒藥與之予曰此但得灌膿充滿則可生何必拘拘以鎖頸與賊痘爲疑也且到此灌膿時又何可解毒也其兒素驕不肯服藥而

喜飲酒予曰此時正宜於飲酒可因之以爲用  
遂製參歸鹿茸湯方見前一大劑令其濃煎汁  
而以好酒相半和勻與兒頻頻飲之自先日申  
時分起至次日辰時分服完一劑視其頭面各  
處痘瘡已灌膿漿大半矣是日午刻忽然糖泄  
二次知其內虛而脾弱也因製參朮散方見前  
投稀粥內服二三錢而泄立止後再服參歸鹿  
茸湯一劑而濃漿充滿矣收靨後餘毒頗盛大

便秘澁用大連翹飲加酒炒大黃壹錢貳分服  
數劑而安

一族侄年四歲出痘其痘正起脹時泄瀉大作  
醫投以參朮柯菴之類竟不能止勢甚危急予  
以參朮散投之服數次約有五六錢許而泄立  
止因以獲安

一幼兒年三歲出痘將靨時泄不止諸藥不效  
予以七味豆蔻丸數十粒與之亦不能止其丸

從大便中泄出予知其虛滑甚也仍以豆蔻丸  
數十粒教令以米飲浸軟研爛如泥和粥少許  
食之其泄立止痘壓而安 予用此二方以止  
痘中虛寒泄瀉起危救困不可勝計姑舉一二  
以槩其餘

一幼女年六歲出痘其痘虛弱先服補藥已多  
至於痘已結痂而忽然泄不止投以異攻散加  
柯菴亦不止醫將以七味豆蔻丸與之予因思

此女一向服補藥何以一旦虛滑若是因審其  
大便時多努力且所泄糞又少而色黃此必毒  
氣流注而泄也因以加味四苓散 方見前 與之  
一服而泄止後因其大便滯滯復加人楨榔青  
皮炒枳殼等藥數劑而安 予用加味四苓散  
治痘中熱毒泄取效甚多姑舉一以槩其餘

○附麻疹

麻疹形如麻痘疹形如豆皆象其形而名之也

活幼心法

麻痘俱胎毒而痘出五臟臟屬陰陰主閉藏其毒深而難散麻出六腑腑屬陽陽主發散其毒淺而易散臟陰多虛寒故痘可溫補腑陽多實熱故麻宜解散然麻雖屬腑而其熱毒之氣上蒸于肺肺主皮毛實受其毒是以發熱之初雖似傷寒而肺家見症獨多咳嗽噴嚏鼻流清涕眼泡腫眼淚汪汪面腫腮赤是也治之之法惟在宣發其毒以盡出之於外雖紅腫之甚狀如

漆瘡亦不足慮以其既發于外即可免內攻不若痘家之必顧其收結也此症若調治得法十可十全而調治失宜則殺人亦如反掌蓋麻症有所大忌病家犯其所忌則至於殺人醫家犯其所忌亦至於殺人也其所忌不同皆忌閉塞其毒不得發洩也今先標四大忌于前令人勿犯然後製方于其後

一忌薑腥生冷風寒

出麻疹時大忌食葷腥食生冷冒犯風寒皆能使皮膚閉塞毒氣抑鬱而內攻也

一忌驟用寒涼

初發熱時最忌驟用寒涼以冰毒使毒氣抑遏不得出則成內攻之患而昔人謂天氣暄熱宜用辛涼發之如黃連解毒湯之類不知天時暑熱之氣豈寒涼之藥所能解今驟用寒涼恐不足以解外熱而適足以阻內熱使

不得出也曾見有一官家艱子得一男子甫

一歲出麻發熱麻未見形而發搐醫誤認爲急驚而用涼藥攻之遂令麻毒隱隱在皮下不出後醫以滋陰爲主而用四物等藥亦不能救煩悶聲啞至旬日而死此可以知涼藥冰毒之害矣今因天熱而驟用寒涼豈理也哉

一忌多用辛熱

初發熱時最忌多用辛熱以助毒如桂枝麻  
黃羌活之類能使毒壅蔽而不得出亦致內  
攻之患而昔人謂天氣大寒宜用辛熱如桂  
枝湯之類發之不知天氣大寒只宜置之煨  
室謹避風寒可也且天氣雖寒而人身之熱  
毒未必減也而多用辛熱豈理也哉  
一忌用補瀝

麻出之時多有自利不止者其毒亦因利而

散此殊無妨如泄利過甚則以加味四苓散

與之方見痘泄條切忌用參朮訶菴補瀝之藥重

則令腹脹喘滿而不可救輕則變為休息痢

纏綿不已也戒之戒之

初發熱欲出未出時宜用

宜毒發表湯

升麻 白粉葛各八分 防風去芦 桔梗各五分

荆芥 薄荷 甘草各三分 牛旁子炒香研細



連翹 去心蒂 研碎 前胡 枳殼 炒 木通 淡竹葉

各六分 天氣大熱加黃芩 炒八分 大寒加麻黃 八分

麻已出而紅腫大甚宜用

化毒清表湯

牛旁 製同 連喬 天花粉 地骨皮 黃連

黃芩 山梔 炒 知母 乾葛 玄參 各八分 桔

梗 前胡 木通 各六分 甘草 薄荷 防風

各三分 口渴加麥門冬 去心 一錢 白石膏 煨研 三錢

大便瀉加酒炒大黃 一錢二分

有毒氣流注而成痢者宜用

清熱導滯湯

黃連 條芩 白芍 炒枳殼 山查肉 各一

錢 厚朴 去皮姜汁炒 青皮 檳榔 各六分 當歸 甘

草 牛旁子 連翹 各五分 紅多者加紅花三

分地榆五分 秘瀉甚者加酒炒大黃一錢

二分

○附古今治痘要方

十神解毒湯

當歸稍 生地黃 紅花俱酒洗 牡丹皮

桔梗 赤芍藥 大腹皮洗極淨姜汁拌晒 木通

連翹去心蒂 小川芎各五分

此方以涼血行血為主而佐以桔梗川芎有開提發散之義引以大腹木通有疎利之能臣以連翹牡丹皮有清解之良視古方純用

寒涼冰伏熱毒者大不同痘已出未出二三日間煩悶燥渴小便赤澁睡卧不寧者可用之此方可與初發熱條敗毒和中散參用九味神功散

人參 黃耆 甘草 牛旁子 紅花

前胡 生地黃 紫草茸 白芍

各等分水煎服

此方初出而稠密紅紫或帶焦黑色者可用

荆防解毒湯

防風去芦 荆芥穗 升麻各四分 酒炒黃芩

酒炒黃柏 玄參 牛旁子炒研各六分 水煎服

此方治痘夾斑夾麻夾丹者俱可用

四聖散

紫草 黃耆 甘草 木通

各一錢水煎

鼠粘子湯

牛旁子即鼠粘子

牛旁子 炒研 當歸身 炙甘草 柴胡

連翹 酒炒黃芩 黃耆 地骨皮各等分

水煎服

此方痘稠身熱不退者宜用

保元湯

黃耆三錢 人參 甘草各一錢

老生薑一片 大棗一枚 去核同煎 有熟者黃

耆甘草生用 虛者黃耆蜜炙 甘草炒熟更加

官桂五分

異功散

痘灰白痒撮咬牙寒戰  
泄瀉腹脹宜用此方

人參

白朮

茯苓

當歸

陳皮

厚朴

姜炒

製半夏

木香

丁香

肉蓯

麩畏煨  
熟去麩

製附子 官桂

加薑棗水煎服

木香散

南木香

臨時用酒  
磨入藥

大腹皮

黑豆汁  
洗淨用

人參

赤

伏苓

去皮

前胡

青皮

去穢  
炒

半夏

姜湯泡  
洗七次

丁香

甘草

柯子肉

官桂

各三分

生薑三片棗一枚去核同煎

回生丹

丁香

九枚

乾薑

一錢

水煎熱服

痘灰白虛寒吐瀉手足冷者可

用此方以應急

八正散

小便瀉祕服導赤  
散不效者用此方

赤伏苓 瞿麥 篇蓄 車前子 山梔仁

木通各八分 滑石末 二錢 甘草 四分

水二鍾燈心一團煎至一鍾食前服熱盛

大便亦秘者加大黃一錢

無價散 黑陷欲死者用此以應急

用無病小兒糞陰乾將傾銀確二個上下合定塩泥固濟火煨通紅取出為末蜜水調服一錢一方加麝香冰片少許

辰砂益元散

治痘熱毒大甚狂言燥渴欲飲水者

滑石飛過六兩 甘草末 一兩 辰砂飛過三錢

右合勻每服小兒一錢大人二錢燈心湯下

是編治痘諸方多隨症立法而不拘於見成而以上十二方皆古今治痘之最要者因附錄于後以備參用

○紙擦照法

用學書竹紙或燒錢草紙烘乾作擦子如小指

大蘇清油于燈上往來薰熾令紙條無泡不暴  
吃又飽蘇油畧薰熾令油無泡即點燃子將患  
者房內牕門閉令黑暗看其左顴有何色點右  
顴有何色點中庭有何色點觀兩顴宜以燃子  
在兩耳邊及鼻邊平照觀中庭宜以燃子在兩  
目角邊平照看其皮中歷歷可指是赤是紫是  
塊是點曉然明白若是麻疹則浮于皮外肉內  
無根若是痘疹根在肉內極深若以燃子當顴

及中庭正照則黯而不見燃子有灰即拍去令  
明如此照之病情在內者可以預見若以天日  
光觀之亦不見矣

○附痘疹避忌

避穢氣

- 腋下狐臭氣
- 房中淫液氣
- 行遠勞汗
- 氣
- 溝糞濁惡氣
- 婦人經候氣
- 諸瘡
- 腥臭氣
- 砒硫蚊烟氣
- 誤燒頭髮氣

吹滅燈燭氣 柴烟魚骨氣 葱蒜韭薤  
氣 煎炒油烟氣 醉酒葷腥氣 麝香  
燥穢氣

守禁忌

生人往來 詈罵呼怒 對梳頭 對搔痒  
勿拂地 勿對荒言 勿使僧道師巫入房  
勿對飲食調藥

以上諸避忌謹之則重可變輕不謹則輕變重

矣

○附幼兒雜症方論

幼兒之病自痘疹而外若驚疳吐泄等症關係  
安危最重予平生經驗調治頗有得其竅妙者  
茲因痘書既成而附刻方論于後以備用慈幼  
者閱是編而幾乎全矣

○急驚風 古謂之陽癇

急驚之候身熱面赤搐搦上視牙關緊硬口鼻

中氣熱痰涎潮壅忽然而發發過容色如故有  
偶因驚嚇而發者有不因驚嚇而發者然多是  
身先有熱而後發驚搐未有身涼而發者也此  
陽證也蓋熱盛生痰痰盛生驚生風宜用涼劑  
以除其熱而化其痰則驚風自除矣切不可用  
辛燥等驅風藥反助心火而為害也當其搐搦  
大作時但可扶持不可把捉恐風痰流入經絡  
或至手足拘攣也又不可驚惶失措輒用艾火

灸之燈火燒之此陽症大不宜於火攻曾見有  
用火攻而壞事者矣戒之戒之此症雖急若從  
容服清涼之劑調理自可平安不可聽信時醫  
峻用攻擊如巴豆輕粉之類以取速效傷害不  
小古語云急驚風慢慢醫此通言之切當而可  
用者也 急驚有八候不可不知搐搦掣顛反  
引竄視是也搐者兩手伸縮搦者十指開合掣  
者勢如相撲顛者頭偏不正反者身仰向後引



者臂若開弓，竄者目直似怒，視者睛露不活，是謂八候也。身仰向後，即所謂角弓反張也。又有一證，欲出痘疹，先身熱驚跳，或發搐搦者，此似驚風而非驚風也。最宜辨認，當服發散藥，切不可悞作驚風治之。說見痘疹初發熱條。

清熱鎮驚湯

- 連翹 去心蒂 研碎
- 柴胡
- 地骨皮
- 龍膽草
- 鈎藤
- 黃連
- 山梔仁 炒黑
- 片苓 酒炒

- 麥門冬 去心
- 木通
- 赤伏苓 去皮
- 車前子
- 陳枳實 炒各四分
- 甘草
- 薄荷 各二分
- 滑石細末 八分
- 燈心一團
- 淡竹葉三片
- 水一茶鍾
- 零五分煎
- 至七分
- 溫服
- 兒小分作數次服

加減涼膈散

- 連翹
- 片苓
- 山梔仁 炒
- 枳實 炒
- 前胡 各五分
- 大黃 酒炒 一錢
- 薄荷
- 甘草 各二分
- 水一鍾
- 煎五分
- 三歲以下者
- 分二三
- 次服之

微利分一二次痰熱自退分若已通利則不必  
盡劑

宣風散

陳皮去白 檳榔末

各五錢

甘草末

二錢五分

黑牽牛

四兩半生半炒取頭末一兩二錢伍分

以上四末和勻一歲

以下服三分二歲以上服五分五歲以上服七分俱用蜜湯調服微利一二次為妙服前方而痰熱未除者後二方隨用一方微利之

若前方已效則後一方不必服 辰砂益元散抱龍丸牛黃丸等藥急驚俱可用若慢驚切不可用之

○慢驚風 古謂之陰癇

慢驚之候多因吐瀉或因久瀉或因久瘧而得之身冷面或白或黃不甚搖擗目微微上視口鼻中氣寒大小便清白昏睡露睛筋脉拘攣俗謂之天吊風蓋由脾土極虛中氣不足故寒痰

壅盛而風動筋急也此陰證也亦危證也急宜  
溫中補脾則風痰自退蓋治本即所以治標全  
不必治風治驚彼用蜈蚣全蝎辰砂牛黃等藥  
皆悞也

有所謂慢脾風者即慢驚失治而甚者耳其實  
難大分別亦不必別立治法

溫中補脾湯

白朮 用裏白無油者去芦 製半夏 七分 黃耆  
去皮炒一錢二分

蜜炙 人參 各八分 白茯苓 白豆蔻 研 乾薑 炒

砂仁 研各 伍分 官桂 陳皮 甘草 炙 白芍 酒炒 各四

分 覺虛寒甚者加熟附子 五分

老生薑一片大棗一枚去核水二茶鍾煎八  
分溫服兒小者分數次服 必得肢體溫和  
風除神爽方可止服 遇此症服此藥不至  
於遲緩過時其效如神立起迴生矣而昔人  
謂慢驚為九死一生之症何也得非調治錯

慢而然乎

小兒因脾胃受寒而泄小便不利一醫療之卻增嘔吐飲乳輒吐慢驚目上視手微搐身冷昏睡投藥下咽即吐不可如何治

慢驚因吐瀉而得者最多其病勢最危急予弟二兒稟氣頗旺甫一歲時因脾胃受寒而泄小便不利有一幼科老醫姓蔡者予家素信用之其時予尚未精醫也因召蔡治之蔡用四苓散加木通車前以分利小便不效第二日加琥珀磨服又不效第三日又少加炒黃連服不知其瀉原因感寒而服分利清涼藥太多遂致脾胃

虛寒第三日申刻後不惟泄不止而又增嘔吐矣母飲乳輒吐至二更初即傳慢驚目上視手微搐身冷昏睡舉家驚惶予同先大人檢方以錢氏益黃散與之纔投藥下咽即吐因以茶匙每次只挑二三匙少停又挑與之然積至二三

次又盡吐出舉家相顧駭愕以為吐不受藥不可如何危急甚矣予因思此必脾胃虛寒胃膈胃口有寒痰是以拒藥不受惟用辛熱或可以

衝開之因用人參黃耆白朮各一錢乾薑白朮  
砂仁各八分官桂陳皮半夏炙草白苓各六分  
加薑棗濃煎以一酒盃驟灌之其藥下咽即受  
而不吐舉家大喜因漸漸連服此藥二劑而吐  
瀉立止驚搐等症悉除但至次日眼皮猶不能  
舒因用前藥加熟附子四分再服一劑而全愈  
矣予因此而知庸醫治此等病不知悞卻多少  
人自此遂不信時醫而益精心於醫也

急驚屬  
實熱慢  
驚屬虛  
寒一病  
別異不  
可不知

急驚屬實熱宜用清涼慢驚屬虛寒宜用溫補  
一病若霄壤之相隔治法若冰炭之相反而諸  
方書多用一藥以治二病何其謬妄之甚也雖  
錢氏明戒之而諸家又明犯之著書方方者且  
然而又何責於時醫乎  
嚏開散

半夏生用 皂角 五分

右為細末用一小豆許用管子吹入鼻上醒

稀涎散

猪牙皂角 明礬各等分

右為末每服二匙白湯調下若牙關緊不可開即從鼻灌之此方姑存以備驚風急用

治聲啞不能言

治小兒驚風並退口只是聲啞不能言并諸病後不能言 大天南星一箇泡去皮臍為末量兒大小每用二三分或四五分用猪猪膽汁調

成稀糊又用淡薑湯少調開食前服之即能言

○吐瀉

小兒吐瀉其證不一最宜詳審有因傷食吐瀉者有因感寒停食而吐瀉者夏月則有因伏暑吐瀉者傷食吐瀉者其吐有酸氣其瀉糞狀如糟粕亦有酸臭氣此宜消導之感寒停食而吐瀉者或食後感冒風寒則其食停滯不化

或脾胃先受風寒而後飲食則其食亦停滯不  
化或飲食後悞食寒冷之物則其食亦停滯不  
化雖致病不同其為感寒停食則一也此宜發  
散而兼消導然此吐瀉或多胃腹刺痛即霍亂  
吐瀉是也治法亦同 伏暑吐瀉者小水必不  
利必兼煩渴當以暑治之吐甚者煎香薷散調  
益元散瀉甚者煎四苓散調益元散須斟酌用  
之 然而吐瀉交作最是小兒危證若其屢作

頭熱  
字彙  
霍亂  
作痛字

不止則不論何因皆當用參朮等急救胃氣不  
惟傷食停食者當急救之即伏暑者亦當急救  
之蓋其初雖有暑氣而多吐多瀉之後則熱氣  
已散而胃氣驟虛若不用溫補急救恐中氣頓  
絕則虛痰上湧而須臾告變矣 且多吐之後  
胃氣大虛氣不歸元而陽浮於外反有面赤頭  
熱身熱作渴而似熱證者俗醫不知其理誤認  
為熱而投以涼藥殺入如反掌甚可畏也故治

活心法

吐瀉而藥不中病者與其失之寒涼寧其失之  
溫補失之溫補猶可救療失之寒涼其禍甚速  
多不及救也

加味平胃散 治傷食吐瀉

蒼朮

米泔水浸

厚朴

去皮薑汁炒

山查肉

各六分

陳皮

去白

青皮

麥芽

炒

香附米

炒

砂仁

研

小川芎

甘草 炙二分

生薑三片水鍾半煎七分分一二三次緩緩服

藿香和中湯 治感寒停食吐瀉

藿香

紫蘇

炒香附

製蒼朮

製厚朴

山查肉

小川芎

各六分

羌活

砂仁

麥芽

炒白芷

陳皮

去白各四分

炙甘草

二分

生薑三片煎法服法俱同前

香薷散 以下三方伏暑吐瀉用

大花香薷

三錢

白扁豆

炒去殼打碎

製厚朴

各一錢

水煎候微溫調益元散二匙服



四苓散

赤伏苓 去皮 朱苓 澤瀉 各一分 錢白朮 八分

木通 車前子 微炒各五分

水煎候溫調益元散二三匙

益元散  
治任言  
燥渴飲  
水不

益元散 方見痘疹附方條此不用辰砂

六兩飛  
過甘草  
末一兩

錢氏白朮散 吐瀉已久虛火作渴者用此方神效怪驗

人參 白朮 白伏苓 炙甘草 乾葛 各五分

分 南木香 二分

湯下  
錢燈心

老生薑一片水一鍾煎半鍾溫服

參砂和胃散 方見痘初發熱條嘔吐不止者

宜用

薑米湯 吐多而胃氣欲絕者用此安胃

老生薑一塊重一兩許煨熟去皮研爛用水

一碗陳米二撮同人瓦罐內煮清湯候溫用

小酒盃少小漸服其嘔自止 如無陳米食米亦可

凡吐瀉交作者止吐為急吐而不瀉者治法俱

治虛寒  
吐瀉見  
十七葉

同上治小兒暑月水瀉小便赤澇或全不小便者

赤茯苓 朱苓 澤瀉 各一錢 木瓜 五分 白朮

六分 木通 八分 車前子 畧炒 四分

燈心一圍水二鍾煎一鍾入鹽少許令藥微有鹹味飢時服之小便自利其瀉立止

治小兒脾瀉其瀉每日只溏糞一二次然病出脾虛久而不治多不可救宜用參朮散加山藥

炒扁豆治之 方見痘虛瀉條

○疳

小兒臟腑嬌嫩飽則易傷乳食不調甘肥無節則積滯而成疳是積者疳之本疳者積之標也蓋積鬱既久則生熱熱蒸既久則生虫虫有熱有虫而疳成矣熱盛虫盛而諸惡症主焉則疳深而危矣善治者當其有積時即用藥以消除之則熱自退而虫不生此能治其本者也易為力

也及其既成疳也仍用莪朮三棱枳榔厚朴等藥以消積用川黃連胡黃連等以清熱用史君子蕪蘘川練蘆薈等以殺虫此治本而兼治其標者也循此法而蚤治之未有不得痊安者也但恐治之既晚而胃陷腹滿骨露齒張肌硬目閉等症交作則元氣已脫雖盧扁復生難為力矣然消積清熱殺虫此古人治疳要法必用此先除其病然後可以加補養此其次第也近世

治疳者雜用參朮訶菖等劑非其治矣蓋積疳之源雖由脾胃虛弱然當其有積有疳時而投以補劑適足以增其積滯益其鬱熱是助病而非除病也其有疳瀉已久脾胃極虛而不可單攻者當兼用六神散與肥兒丸相間服之此攻補兼施活法也 又有一種母已有孕兒飲孕乳多亦成積熱久亦成疳此病頗多而古今方論不道及何也然其治法大畧亦同 有疳熱

盛而成痢者用清熱導滯湯方見麻去牛旁連

翹加三稜莪朮有成癖塊者治法亦同須兼

用外貼藥交攻之疳亦難分令熱惟有瀉有

不瀉耳不瀉者鬱熱無所發洩故胃腹發熱更

甚瀉者鬱熱有所發洩故胃腹不甚熱然亦由

積熱作瀉也非冷也此瀉溫之而愈甚清之消

之而自愈著書立方者不知何以有冷疳之名

而用熱藥無亦訛謬相承乎

肥兒丸

三稜 莪朮 青皮俱醋炒 神麩炒 川黃連

胡黃連 史君子去殼浸透去皮各一兩 蘆薈 堅栝

榔 香附子炒 陳皮去白 麥芽炒 蕪荑各五錢

南木香三錢 以上為細末除神麩麥芽另研

為細末打糊和前藥為丸如粟米大二歲以

下每服三分五歲以下服五分空心清米飲

下臨臥白滾水下有癖塊加阿魏酒浸研化和入

乾漆炒各七錢

大蘆薈丸治疳虫蝕青筋身熱羸瘦十指生瘡頰嚙指甲等症

蘆薈 蕪荑 青黛 檳榔 黃連各一兩 胡

黃連 史君子肉各七錢 南木香三錢 蟬退二

四少許 射香另研 為細末猪膽二箇取汁浸糕

丸如麻子大每服三十九丸米飲下

苦練皮煮鷄子法 疳虫輕者用之頗效取苦

練皮潤一寸其長以兒身為度刮去外黑皮

留白皮切細入瓦罐濃煎汁去渣然後入鷄

子二箇在內煮熟去殼與兒空心食之苦練皮不

可防不結子者有毒傷人

鷄蠟丸 治疳穰休息痢

用黃蠟一塊如指大入杓內火上鎔化次入

生鷄子黃白一箇炒熟與兒空心食之

紅花膏 貼癬塊用

水紅花料 一捆煎汁去查熬膏一碗 麝香 阿魏

血竭 各二錢 沒藥 五錢 赤芍 當歸 各一兩  
為細末入膏內攪勻以青布攤帖患處

○腹痛

小兒驟然腹痛其症不同有挾熱而痛者其痛多緩或一日只痛數次甚者或自下而痛上痛過一陣則有時不痛良久又痛宜用涼藥加疏利藥治之有感寒挾食而痛者其痛多急連綿少有停止甚者或如刀刺欲吐不吐欲瀉不瀉

手足冷面色青宜用升發藥加消導藥急治之外有虫痛者聞煎炙食物香氣則痛宜用苦練皮史君肉等藥以殺其虫則痛自止  
枳連導滯湯 治熱痛

- 陳枳殼 去穰炒 黃連 山梔仁 炒黑色 赤芍 各六分
- 前胡 去心蒂 連翹 各四分 三棱 莪朮 俱醋炒
- 檳榔 甘草 各三分

水煎飢服覺熱盛大便秘者加酒炒大黃一

錢二分微利之

升消平胃散

治感寒挾食痛方見痘初發熱條此宜加羌活防風各三分

○發熱

小兒發熱多端有感寒發熱有傷風發熱有傷食發熱有內熱發熱有痘疹發熱有麻疹發熱有驚熱有疳熱以上諸熱俱可隨症辨認各有治法茲不備載惟內虛發熱其症難識獨有張季明醫說深得病情今錄于後醫說云有一小

兒感冷身大熱惡寒此有表證用發汗藥汗出遂涼過一日復熱醫謂表解裏未解以大便秘知之服四順清涼飲利一行遂涼隔一日又再熱醫云心經熱未解以小便赤知之服導赤飲遂涼過二日又熱其家無所措手醫曰脉已和非病也既發汗又利大小便其兒已虛陽氣無所歸皆見於表所以身熱以和胃氣藥如六神散之類加烏梅煎令微有酸味收其陽氣歸內

自此全愈。又云小兒積熱者表裏俱熱則遍身皆熱頰赤口乾小便赤大便焦黃先用四順清涼飲利動臟腑熱則去既去復熱者裏熱已解而表熱未解也當用發散藥微汗表熱乃去表熱去後又發熱者何也世醫到此盡不能曉或再用涼藥或再解表或謂不可醫誤致夭傷者甚多此表裏俱虛氣不歸元而陽浮於外所以再發熱非熱證也只用六神散入粳米煎和

其胃氣則收陽氣歸內身體自涼。

此一說發明虛熱妙理最爲明透且此證不惟小兒有之大人亦多有之人多不識遂束手待斃此說直破千古之惑大有回生之功予故揭錄于此以補醫功之缺。

四順清涼飲

當歸 芍藥 甘草 大黃 水煎服

導赤飲



生地黃 赤伏苓 木通 麥門冬 各等分  
燈心一團水煎服

六神散

人參 白朮 伏苓 甘草 炙 山藥 炒

白扁豆 姜水浸 去殼炒

土薑二片棗一枚去核同煎

○治痢奇方妙論

痢為險惡之症生死所關最重不惟時醫治之

失宜而古今治法千家多不得其竅是以不能  
速收全效今立方何以為奇不泥成方故奇也  
立論何以為妙不膠成說故妙也且能以數劑  
而取効于數日內初起者或以一二劑而取効  
于一二日內此所以奇妙也然其藥品又不外  
平常識者慎無忽之

川黃連 去芦 條實黃芩 大白芍 生用 山查

淨肉 四味各壹錢貳分 陳枳壳 去穰 厚朴 去以姜汁炒

堅栝榔 厚青皮 去穰四味 各八分 當歸 甘艸

地榆 各五分 紅花 三分 酒洗 桃仁 炒去皮尖碎 如粉一錢

南木香 二分

用水二碗煎一碗去滓空心服滓再煎服此方或紅或白或紅白相兼裏急後重身熱腹痛者俱可用 單白無紅者去地榆桃仁加去白陳皮四分木香用三分滯澁甚者加酒炒大黃二錢服一二劑仍除之 此方用之於三五日

神效用之於旬日內亦效惟十日半月外則當加減其法詳具于後

川黃連 條黃芩 大白芍 三味酒炒各六分 生用各四分

山查肉 壹錢 製厚朴 製陳皮 青皮 栝

榔 各四分 甘草 炙三分 生二分 當歸 五分 地榆 四分 桃

仁粉 六分 紅花 三分 南木香 二分

如延至月餘覺脾胃弱而虛滑者用酒炒芩連白芍各六分 製陳皮 製厚朴 南木香

各三分 醋炒地榆四分 紅花二分 青歸人  
 參 白朮 炙甘草各五分 以上三方有胎  
 婦人服之去紅花桃仁枳榔 以上方法隨用  
 輒效間有不效者必其初投參朮等補劑太早  
 補塞邪氣在內久而正氣已虛邪氣猶盛纏綿  
 不已欲補而澁之則助邪清而疎之則愈滑遂  
 至於不可救療雖有奇方無如之何則初投温  
 補殺之也戒之戒之

古今治痢者皆曰熱則清之寒則温之初起熱  
 盛則下之有表症則汗之小便赤澁則分利之  
 此五者舉世信用若規矩準繩之不可易者予  
 有獨見以為五者惟清熱一法無忌其四法則  
 犯四大忌必不可用也今詳于後  
 一曰忌温補痢之為病由濕熱蘊積膠滯于腸  
 胃之中清邪熱導滯氣行滯血則其病速除若  
 用參朮等温補則熱愈盛氣愈滯久之止氣虛

邪氣熾至於不可救療者初投溫補之倘也

一曰忌大下痢因邪熱膠滯腸胃而成與溝渠壅塞相似惟用藥磨刮疏通則愈若用承氣大下之譬如以清水蕩壅塞之渠壅塞必不可去也徒傷胃氣損元氣而已正氣傷損而邪氣不除強壯者猶可怯弱者必危矣

一曰忌發汗痢有身發寒熱頭痛目眩者此非外感乃內毒薰蒸自內達外雖有表症實非表

邪也若發汗則耗其正氣而邪氣得以肆且風劑燥熱愈助熱邪表虛於外邪熾於內鮮不斃矣

一曰忌分利小便利小便者治水泄之良法也以之治痢則乖痢因邪熱膠滯津液枯澁而成若用五苓等劑分利其水則津液愈枯滯澁愈甚遂至纏綿不愈則分利之爲害也若清熱導滯則痢自愈而小便自利安用分利爲哉

予於此一症素畏其險惡，用心調治者二十餘年，百試百驗，頗有妙悟。既而身自患之，試驗益精，然後能破諸家之迷障，而為奇妙之方論，今刊而布之，以救斯民之疾苦，而登之壽域也。

截瘧妙方

柴胡 去芦 五錢

真廣陳皮

泡刮去白 晒乾 三錢

甘草

五分

寒熱相半者用此方，寒多熱少者加陳皮一錢，減柴胡一錢，熱多寒少或全無寒者減陳

皮一錢，水二碗煎一碗，臨發日五更空心溫服，已發時不可服。此方初發一二次元氣實者用之，必效。患瘧已久，或元氣虛弱者用之，未必效，須用

清補湯

白貝母

去心 二錢

人參

一錢

水二碗煎至八分，去滓，臨發日五更空心服，未全愈可再服一二劑。

治水泄小便赤澁或全不小便者

赤茯苓 去皮一錢五分 朱苓 三錢 澤瀉 用刮開色白者二錢五分

木瓜 八分 白朮 去皮去八分 木通 一錢五分 車前子 炒畧五分

水二碗煎一碗去渣入塩少許令藥微有鹹

味飢時服之小便自利其泄立止此症小兒

甚多治同此法

治胎痛不安

益母草 忌食摘取嫩梗葉五錢 當歸 四錢 大川芎 三錢

半酒水煎服體氣強盛而有熱者減川芎

一錢五分加條實黃芩二錢五分單水煎熟

入酒少許服

治臨產久不下

當歸 三錢酒洗 大川芎 二錢 大腹皮 洗極淨姜汁拌晒一錢

枳壳 去穰炒一錢二分 紫蘇 一錢二分 香附 去毛炒一錢二分

甘草 五分

單水煎服服此停一時立產催生之方此爲  
神妙而穩當

痘疹活幼心法卷下終

